

АЛПАМЫС БАТЫР

АҚСЕЛЕУ СЕЙДІМБЕКОВ

БАЙБӨРІНІҢ ҚАСІРЕТИ

Ежелден береке дарып, бақ қонған Жиделібайсын жерінің ең бір өлуетті руы Қоңырат болғанда, сол Қоңырат руының жүрттан асқан жуан сіңір байы - Байбөрі еді. Байбөрінің байлығында есеп болмайтын. Төрт түлік малы Жиделібайсынның байтақ даласында аңдай өріп, көрген жанға қара жерді қайыстырып жатқандай әсер беретін. Мұрындық, ноқта тимеген, түйешілер мінбеген маясының өзі сексен мың еді. Мыңғырып өрген қойын айтпағанда, ең даланың шоқ-шоқ боп біткен тоғайы сайын табын-табын жылқы шүркүрап жататын. Ол да ештеңе емес, дәулеті тасыған Байбөрі жаңағы тоғай сайын мыңнан біткен жылқыларын түсіне қарай иіріп, торысына бір бөлек, қарасына бір бөлек, бозы менен аласына бір бөлек қос шығарған. Мұның өзі сырт көзге өзгеше сән-салтанат сияқты әсер беруші еді.

Байбөрі қанша бай болып, дәулеті шалқып жатса да, жүрек түкпірінде орны толмай, орындалмай жүрген бір арманы болатын. Ол - тұяғын жалғап, орнын басар, тұтінін тутетіп, шаңырағына ие болар бір перзентінің жоқтығы еді. Жас кезінде дүниенің бітпес қызығына елігіп жүріп аңдай бермепті. Бойдан қуат, білектен күш қайтып, тіршіліктің өсіре қызыл өткіншілігіне ой зерделеткен шағында көкірегіне шемен болып қатқан қасіреттің ең зоры - баласыз, алды-артының тұлдырлығы екенін аңғарған жайы бар. Оның үстінен, «Жығылғанға - жұдырық» дегендей, Байбөрінің ет жақын ағайын-туғаны да селдір. «Жыласаң - жұбатып, сүрінсең - демейтін қандасың болса, оған да шүкірлік етер едің ғой деп», - Байбөрі мұны да бір арман қылатын. Жоққа жүйрік жеткен бе, тәйірі, мұндайда немере-шебере болып келетін аталас туысы Құлтайды іш тартып, өзінше қара тұтатын.

Күндер зулап өтіп жатты. Байбөрінің қасірет-қайғысы өршімесе, кемитін болмады. Дүние дидарының пәндешіліктен кенде болған кезі бар ма, біреулер Байбөрінің зарына құлақ түріп мұсіркеп жатса, енді бірі іштей қыбы қанып, мұқатып, жасытып кететін. Тіптен, кейбір бақталас

бәсекелестері баласының көптігін мақтан етіп, өктем сөйлеп, мағұрланған да сыңай танытушы еді.

Бір күн Байбөрінің жамағайыны Құлтай келіп кеңес береді.

— Да, Байбөрі,— дейді Құлтай,— сенің басыңдағы қуанышты ғана емес, қайғыны да тең бөлісер ет жақының болған соң, бір орайы келген істің жайын айтайын деп едім.

— Айта бер, Құлтай, жабыққан көнілді жұбатар жақсылық болғай да! — дейді Байбөрі өңсесін көтеріп. Соңғы кезде әр нәрсеге өзінше жору жасап, көрген түсіне дейін бір перзенттің уайымымен үштастыруды дағды еткен Байбөрі қазір де іштей толқып, Құлтайдың лебізінен қасіретіне дауа күткендей күйде еді.

— Мәңдайыңа біткен өн дәулеттің бір пүшпағына бас-көз болған соң, қол астыңдағы құл-құтандын аралас-құралас болмай түрмайды ғой,— деп Құлтай әріден орағыта тіл қатты,— сенен несін жасырайын, есігінде жүрген тезекші қара күңге көзім түсіп, жақындастып жүруші едім. Бүгін тұнде сол күң босанып, бір ұл туды. Жаратушы тәңірім не нәрсені болсын себепсіз жаратпайды ғой. Сол ұлды бауырыңа басып, алданыш етсең қайтеді?

Бұл сөз Байбөрінің көрі жүргегін селт еткізіп, тығырыққа тірелген жерінен жол тапқандай қуаныш күйіне бөленіп еді. Мұнан әрі уақыт алып, ойланып-толғанған да жоқ. Нәрестені аңсап, ынтығып, тіптен таңсық көріп жүрген көнілі алып-ұшып жетектеп кеткендей болды. Кешікпей-ак Құлтай туысы жақын болған күңнен туған ұлды алып келді. Тағдырдың жазуы осы шығар, тумаса да, туғандай қылайын деп, ұланасыр той жасады. Балаға Ұлтан деп ат қойды.

Жаялығы — жабағы жүн, жатын орны — жыртық қос болған Ұлтан Байбөрінің қолына көшкен соң, үлде мен бүлдеге оранып, мұңсыз-қамсыз есейе берді.

Байбөрінің бауырында ішкені алдында, ішпегені артында дегендей, қамсыз балалық ғұмыр кешкен Ұлтан өзінің ұсқынсыз бітімімен, ұр да жық мінезімен көрген жанды тіксінктендей еді. Аяқ-қолы арбыып, аңғалсаңғал боп, ебедейсіз қымылдайтын. Бұрын көрмеген жан Ұлтанның кебежедей кеудесін, кетпендей күрек тілін, кернейдей кеңірдеген,

сығымдалған талқандай мұрнын, шыңыраудың түбінде жылтыраған судай жанарын, ошақтай үлкен аузын көрсө, бейне бір құбыжық көргендей болар еді. Ол артына от орнындаға із тастап, одырандаған жүріп өткенде, жолындағы қазан-ошақ салдырап, ел көшкендей болып жататын. Сонан соң да ауыл-үйдің қатын-қалашы Ұлтанды көрсө, кірпідей жиырылып, көз алартып жатқаны. Одан өріге бармайды да. Байбөрінің бауырына басқан жалғызына шаң-шұң шығарып, онсыз да қаяулы көңілге сыват түсіргілері келмейтін. Бірақ оны түсінетін Ұлтан бар ма? Кейпінің ұсқынсыздығы былай тұрсын, қарсы келгенде беттен алып, төске шабатын ұзын сойыл, үр да жықтығы және бар. Мұнан кейін көрші-қолаң: «Бәледен машайық қашыпты» дегендей, Ұлтан аты аталған жерді алыстан орап өтуді өдетке айналдырған.

Зердесіз болып жаралған соң не шара, Ұлтан бара-бара, тіптен дандайсып кетті. Енді ол өзге былай тұрсын, Байбөрі мен Құлтайға мінез көрсетіп, тіл тигізетін болды. Екі күннің бірінде айқай-сүрең салып, Байбөрінің мол байлығын өзінен қызғануды шығарды. Қашанда ақылы келтенің тілі ащы болатын өдеті, Ұлтан да мал-жанды қызғанған ашу үстінде Байбөріге: «Өй, қубас, саған мал-жан не керек, өлгендे о дүниеге ала кетейін деп пе едің!» — деп, жалғыздығын бетіне басатын. Мұны естігенде, Байбөрі былай тұрсын, ауыл-аймақ адамдары жағаларын ұстал: «Есіл азамат-ай, қор болды-ау!» — десіп, көздеріне жас алатын.

Сырт көз бұлайша өгілгенде, Байбөрінің Аналық есімді бәйбішесі одан сайын қүреп, қасірет жасын ішке жүтушы еді. Перзентсіз өткен осынау бақытсыз тірліктің себепшісі бір өзі сияқтанып, көзінің жасы құрғамай, тәніріне жалбарынатын. Осындағанда бір қайғысы көп, қапалы күндердің бірінде Аналық көзінің жасын сұрте отырып, Байбөріге ақыл салды.

— Ақ тілеумен босағанды аттаған ием едің, — деді Аналық, — сөзіме құлақ сал. Жаратқан жалғыздың жарылқаймын десе, құдіретінде шек жоқ қой. Құдерімізді үзбейік, бордай үгіліп жаси бергенмен, ештеңе өнбес. Онан да ақ ниетпен жолға шығып, Әзіреті сұлтанға жалбарынып қайтайық. Бір перзенттің зары үшін қызыл аяқ қыр кешіп, жалаң аяқ жар

кешіп, қасірет шеккен қүйімізді көрсетеік. Зарымыз Тәнірімнің құлағына жетіп, көз жасымыз тыйыла ма деген үмітім бар...

...Он ойланып, жұз толғанғанда, шарасыз қүй кешкен Байбөріге бұл сөз қатты әсер етті. Тығырыққа тіреліп, дал болғанда қияннан кезіккен жалғыз жолдай көңілін еліктіріп еді. Жай елігу өмес, шынпейілімен құлай беріліп, жақсылыққа бастар жарық сәуледей бір үміт жүрек түкпірінде ойнақ салған. Осыдан кейін-ақ Байбөрі жол қамына асығыс кірісп кетті. Алдымен қой ішінен ай мүйізді ақ қошқар таңдал, құдайыға шалды. Соңан соң өл-жұртын жинап, мол етіп қонақасы беріп, қош айттысты. Осы кезде Аналық бәйбішеле де аңырап үріп, ақ пейілмен қазына аузын ашып тастап, алтын-күміс, асылының барлығын өл-жұртқа таратты. Игі ниеттің айғағы болсын дәп, жұрттың бәріне құдайыны мол берді. Содан сәрсенбінің сәтіне, сәске тұс өлеті болған кезде, Байбөрі мен Аналық жолға шықты. Асыл кілем жаптырып, алтын-күміс арттырып, жүрдек келген бір бураны жетекке алды. Қош айттықсан өл-жұрты қызылды-жасылды болып шұбартып, у-шу болып, құндік жерге дейін соңдарынан шұбады. Қадірі артық бай-бәйбішөні қия алмай, көздерінің жасын тыя алмай, тілеулестік ниетін демеу еткен қоңсылар іштей оң сапар тілесті.

Байбөрі мен Аналық болса ет жүрегі елжіреп, күн еңкейген кездे бір төбенің басына аял қылды. Соңынан ерген өл-жұртының алды-арты жиналды-ау дегендеге, Байбөрі толқу үстінде тіл қатты:

— Уа, елім, жұртым, көз көргендерім. «Баталы құл арымас» дегендей, сөндердің осынау ықылас-пейілдерің көкірегіме үміт отын жаққандай. Сол үміт отын белгісіз сапарымның жолына шырақ етіп ұстап, тарыққан шақа көңілге медеу етермін. Жаратқан ием қуанышпен қауыштыруға жазсын. Қош болындар!

Байбөрі мен Аналық қалың топтан бөлініп жүріп кетті.

Сондарында:

«Ниет қабыл болсын!», «Жолдарың болғай!», «Тәнірім қуанышты құндерге жеткіzsіn!» — дәп шуласқан қалың жұрт қала берді. Қазіргі сәтте өл-жұртының тілеулес ниеті бай-бәйбішеге қанатбітіргендей, көңілдері алып-ұшып, алдағы алыс сапарға, келер құндерге сағынышпен асыға ұмтылған.

Байбөрі мен Аналықтың жолға шыққанына екінші айдың жүзі болды. Үйден қырық қадам шыққан кісіні ғаріп дейтін сөз рас өкен. Осынау екі айдың ішінде көрген қыындықты айтып жеткізуге болмас та. Әйттеір, тәтті үмітті көнілге медеу етіп, қос мұндық жарыққа үмтүлған көзсіз көбелектей Әзіреті сұлтанға жетуге асыққан. Сонан соң да жақсы ниет жолында біресе аңырап жыласып, біресе құлісіп, ауыздарын ашса, перзенттен басқа сөзі болмай, қыындыққа бастарын байлаған сыңайлары бар. Бұлардың діңкесін құртып, табанын тоздырған жер — Ұзғардың қырық күншілік даласы еді. Бұл — көкпектен басқа шебі жоқ, көкектен басқа құсы жоқ, қаңбақ кезген құла дүз болатын. Не жолы, не асуы жоқ өлсіз-күнсіз өң дала алғашқыда бастарын айналдырып, діңкесін құртып, дал қылған. Аналық бәйбіше: «О, тәңірім, қай пиғылымнан осынша азабыңа душар болдым, мұнша неге қинайсың!» — деп, торығып, көзінің жасын көл етіп еді. Байбөрі болса сабыр шақырып, бәйбішесін жұбатып, үміт сапарын жалғай берген. Бір ғажабы: туғаннан бері жоқшылық тауқыметін тартып көрмеген, табаны жерге тимеген, мандайы күнгө күймеген Байбөрі де, Аналық та қандай азап шексе де, бір сәт көлікке мінбей, жаяу жүрумен болды. Көлікке мінсө, осынау ақ тілеулі сапарларына күшрлік ететіндей, Әзіреті сұлтанға қыр көрсетіп, шамына тиетіндей, шын берілген ниеттерін танытқан. Аз күнде екеуінің де жақтары суалып, көзі үнірейе жүдеді. Содан, қыруар қыыншылықтармен Ұзғардың даласын артқа тастап, тағы да бірер апта жол жүргенде, нысана еткен жердің шетіне ілігіп еді.

Әдептегідей жеткен жеріне түнеп, таң қылаң бергенде, жолға шыққан. Бұғін табиғат та өзгеше бір шуақты ашықтығымен көніл сергіткендей. Көк жүзі жалтыр ашық. Таңғы салқынмен жер танабын өндіріңкірей жүріп алсақ деген ниетпен бұлар ширак аяңдал, қарсыдағы қоян жон қырқаға шыға келіп еді. Сол сәт алыс көкжиекке көз тастаған Байбөрі қияннан көгере сағымданған Әзіреті сұлтанның күмбезін көрді. Көрді де, бар шеккен азабы артта қалғандай, кәрі жүрегі өрекпіл алышып, жетуге асықты. Аналық болса, қуаныш жасын көл ғылышпен: «Е, Тәңірім, ниетімізді қабыл етіп, жолымызды онғара көр!!»- деп, іштей тәубеге келді. Байбөрі мен Аналық Әзіреті сұлтанның күндік жерден

асқақтай көрінетін көк күмбезіне кеш түсे өзер жетті. Сол күні өулиелі мекенді тәніректеп келіп, тізгін тартып, тізе бұкті. Ертеңінде өулиелердің өулиесі Әзіреті сұлтанның көк күмбезіне құлшылық етіп, қызмет көрсететін қожалардың басын қосты да, алып шыққан асыл қазыналарын екі жерге үйді. Бір бөлегін Әзіреті сұлтанның басына байлап, екінші бөлігін қожаларға үлестірді. Сонан соң Байбөрі мен Аналық көздерінің жасы құрғамастан жеті күн бойы құлшылық ұрып, қасиетті орынға түнеп жүрді.

Мұнсыз жанға жеті күн деген, жеті рет үйықтап оянғандай аз ғана мерзім болғанмен, бай-бәйбіше үшін үміт-тілекке толы, қасірет-күмәні көп жеті күн жеті жылдай болған. Бөрі де тәнірдің бұйрығынан ғой, сол зарығумен өткерген жеті күн ішінде ешқандай нышан сезген жоқ. Бай-бәйбіше бір-біріне жалтақтап: «Не көрдің, не сездің?!» — дегендей, бір-біріне сұраулы үмітпен қарауды шығарды. Әзіреті сұлтанның басына орнаған көк күмбез болса, тылсым жұмбақтықпен мұлгіп, сұсты айбарымен мысты басқандай еди.

«Жазған құлда шаршау жоқ». Телміріп жата берудің қисыны тағы жоқ. Жеті күн, жеті түн өткенде, Байбөрі мен Аналық үміт-тілекті жетекші етіп, тағы да жолға шықты.

Көрі Қарататудың қолтық-қойнауы, бауыр-беткейі қашаннан өулие-әмбиеге мекен болған жер. Киелі зират, қасиетті мазарларды, иманға орда болған көрікті шаһарларды айтпағанда, әрбір тау-тасы, өзен-көлінің нышанасы мол, өулиелі өлкө болатын. Сонан соң да жолға шыққан бай-бәйбіші аты мәлім мекенді айналып өтпей, тізгін тартқан сайын тауап етіп, бір-бір түнеп келеді. Дүниенің де бет-жүзіне қарамай қайыр-садақаны мол-мол үлестірген. Әзіреті сұлтанмен есімі қатар аталатын Баба-Атаға да үш күн түнеді. Ол кезде Баба-Ата томпайып қана жатқан жалғыз бесікшө болатын. Аналық байғұс дамыл таппай құлшылық ұрып, Баба-Атаның бесікшесін күзетті. Көкірегін өксік қыса жүріп, шын пейілімен ықылас танытты. Байбөрі болса, бар қалған қазынасын сарып қып, өулиеге бағыштап басына байлады.

Бұлар Баба-Атадан шыққанда, осынау бұлышыр үмітке иек сүйеген сапарларына тоқсан күн толып еди. Әлі көнілді елең еткізер өшқандай

нышан болмай тұр. Жүрген жол, көрген тұстеріне дейін көнілге медеу болар белгіден жүрдай. Байбөрі мән Аналық сонда да алған беттерінен қайтпай, табандарынан таусылып ілгері жылжы берді. Бүгін ертеңгісін Баба-Атадан шыққанда, көз ұшында көлбеп жатқан асқар бел көрінген. Бай-бәйбіше тоқтаусыз жүріп отырып, сәске тұс өлетінде сол биік сенгірдің бауыздау алқымына жетіп еді. Сол беттерінде бөлек бір сезім жүр-жүрлөп асықтырғандай, тау басына шыққанша дамыл таппаған.

КӨРІПКЕЛ ШАШТЫ ӘЗИЗ

Үміт соңынан бұйдалы іңгендей елпілдей ерген қос мұндық тұрмысып жүріп тау басына шықты. Ентіктерін де баспастан елбірей тұрып, ілгері қараса, етекте ботаның көзіндей мәлдіреп айна көл жатыр. Көл жағасынан буы бұрқырап арна тартқан бұлақ көрінеді. Сірә, әулиенің көз жасы сияқты — бұлақ суы жылы болса керек. Бұлақ желкесіне жалғыз түп қара ағаш бітіпті. Бір ғажабы көрер көзге қаншалықты шүйгін көрінсе де, бұлақ маңайы елсіз, жалаңаш өді. Тіптен моласы да, тамы да жоқ. Оның орнына — бұлақ төңірегі қара ағашпен жарыса өскен қалың шенгел.

Бай-бәйбіше тағы да сол тәтті үмітке жіпсіз шырмалып, бұлақ басына жеткенше асықты. Көз алдары суланып, етекке құлдырай түскен беттерінде қалың шенгелді аралап кетіп өді. Тау басынан қызара көрінген шенгел шынында да үйиса бітіпті. Көніл шіркін, елегзіп, елбіреп, ілгері жетектейді. Байбөрі алда, Аналық артта, жүректері лұпілдеп, көрмеген жерлерін танып-білгенше асыққандай ілгері қарай емпендей үмтүлышады. Қадам басқан сайы елеңдеп, алдарынан елп етіп бір нышан көрінердей зарыққан қүйге түскен.

Кенет Аналық бәйбіше жаулығы ағараң етіп, бөгеліп қалды. Бөгелейін деп бөгелген жоқ, шенгел басының салалана біткен бір бұтағы иіліп келіп, маңдайынан тіреді. О, ғажап! Бұтақты жазайыншы деп жасқап үлгермеді, ақ маңдайына екі елі батып-ақ кеткені. Кереметі сол, бұтақтың тиген жері не қанаған жоқ, не ауырсынған жоқ. Аналықтың жүрегі бір құдірет сезгендей алып-ұшып:

— Ием, тоқтай тұршы! — деуге ғана тілі келді.

Артына бұрылған Байбөрі бәйбішенің өнінен алабұртқан толқуды жазбай танып, бір нышанның болғанын анғарып өді. Аналық болса, сезге келмestен, бөлек бір сезім қолтықтап көтеріп кеткендей, басындағы қабат-қабат жаулығын шешіп, әр шенгелдің басына іле берді. Аналықтың қазіргі қүйі гүл көрген ақ қанат көбелектей өді. Әр шенгелді бір құшып, ықылас-ниетін бағыштап, ақ жаулығын ырым етіп

байлап жүр. Сол күні бай-бәйбішө жылы бұлақ басына аялдады. Қарап отырмай, күн үясына қонғанша бұлақ басындағы тасты жинап, қонып шығар қалқа жасауды ниет етіп еді. Осы ниет үстінде тағы да бір нышанның кереметіне күә болысты. Кереметі сол, жерден көтерген тасы өзінен-өзі қиуын тауып, қалап жатқан қалқасына жымдаса кетеді.

— Е, тәңірім, жақсылықтың нышаны болғай! — деп күбірледі Байбөрі. Қиуы келіп, өзі сұранған тасты қалқайтудың қыындығы бар ма, намазшам кезінде бай-бәйбішө алыстан белгі болатындей, жақындасан, жел-күннен қорған болатындей етіп тас үйіп үлгерген. Мұнан әрі осынау сапар үстіндегі дағдылары бойынша құптан намазын оқып, дамыл алысты. Құбылаға бастарын қаратып, бір етегін төсеніп, бір етегін жамылдып дегендей, іштей тәубеге келіп, қатарласа қисайып еді. Бұрын түннің бір уақытына дейін әр нәрсені ойлаг, елегзіп, қам көніл болып жататын бай-бәйбішө бүгін қисайған бетте мызғып кеткен. Жаз түні қамшы сабындағы келте емес пе, әні-міне дегенше таңның хабаршысы — бозторғай шыр етті. Кешікпей-ақ шығыс аспаны рауандап түріле берген. Осы кезде көктен түскені, яки жерден шыққаны белгісіз, көк есекке мінген ақ сәлделі диуана шырттыңыштыққа шомған бұлақ басына пайда болды. Алдымен қырау шалған кою қасын сабырмен көтеріп, тұңғызық ойлы жанарын тәңірегіне тастап, бір уақ үнсіз тұрды. Оның қазіргі кейіпі осынау дүние дидарындағы мұң-сырдың, қуаныш-қайғының бәрін іштей біліп, қасіреті мол өмірге қабырғасы қайысқандай күйде еді.

Уақыт өткізген жоқ, көк есегін тебіне түскен диуана асықпай аяңдалап келіп, бай-бәйбішеннің үсына тізгін тартты. Соңан соң қолындағы сырлы асасын сабырмен көтеріп, шырт үйқыда жатқан бай-бәйбішенні ақырынғана бір-бір тұртті де, тіл қатты:

— Ей, көзінен жас кетпеген, бейшаралар! Арманнның жетегінде шырмалып, жетімдей тентірегенде қалағандарың не еді?

Ақ сәлделі диуананың үні жеті қат жер астынан немесе жеті қат көктен естілгендей, күмбірлеп шықты. Байбөрі мен Аналық алақтай бас көтеріп, жамырай жарыса ауыз аша беріп еді, диуана тағы да сөйлеп кетті:

— Білемін! Көкіректі кернеген жалғыз ғана арман-тілектеріңің барын білемін. Бір ұл керек дейсіндер ғой, әрине. Әулиеден әулие қоймай жалбарынып, жердің жүзін шарлап үргендерінді де білемін. Көз жастарыңды көрмей, сырт беріп кеткен бірде-бір әулие-әмбие жок. Сендер үшін бәрі де орындарынан бір-бір аунап түсіп, қатты қиналды. Жарықтықтардың мәртебелері бөлек қой, назары түскенге қайырым жасамай қалмақ емес. Соңан соң да, сексен сегіз серулер мен тоқсан тоғыз машайық бас қосып, бір сендердің тілеулерінді тілеп, жаратқан жалғызға жалбарындық. Олардың ішінде мен болдым. Жаратушъ Тәңірге тілегіміз ұнады. Ұнағанын содан біл, сендер үшін сұрап барғанымыз бір ұл өді, оған бір қыз қосып сыйлады. Менің атым — Шашты Әзиз. Жұрт Баба тұкті Шашты Әзиз деп құрмет көрсете атап жатады. Енді езіліп-егіле беруді қойындар, бастарыңды көтеріп, жастарыңды тыйындар. Ұлыңың аты Алпамыс болсын, қызыңың аты Қарлығаш болсын. Алпамысың елден асқан ер болар. Шапса қылыш, атса мылтық өтпес, отқа салса күймейтін, суға салса батпайтын, өмір бойы жас боп өтер. Жауының басы — қалмақ болар... Енді батамды берейін, орныңнан тұрып, қолыңды жай. Айтқанымның бәрі айнымай келсін! Тілегің қабыл болсын! Осы сөздің айтылуы мұн екен, бай-бәйбіше еңіреп келіп, диуананың аяғына бас ұрды. Қолынан иіскеп, етегінен тұмарлық жыртып алды. Сол сәт ақ сәлделі диуананың келгені қандай белгісіз болса, кеткені де елеусіз, көз алдарында ғайып болып еді Байбөрі мен Аналық болса қуаныштан жүректері жарыла жаздал, бір-біріне қарасты. Аналық байғұстың қабағы ашылып, ақша бетіне қан жүгіріп, бойын түзеді. Асыл туған арудың көңіліне сай, көркі келісіп, аршын төсін бастыра мойнына алқа салды.

Байбөрі мен Аналықтың қаяулы көңілі орнығып, ел-жұртын бетке алғалы бүгін айдың жүзі өтіпті. Өздері де, әулие-әмбиені ақтаймыз деп тым шығындалап кеткен екен. Қазір көңілдері қаншалықты алып-ұшып, туған жерге асыққанымен, ұзак жол өнбей-ақ келеді. Қуанышпен оралар күнді ойлаған бұлар бар ма, мол қазына тендереген жазылды бурадан бастап, жаулығына дейін үміт жолына байлап кеткен. Енді, міне, табаны тасқа ойылып, мандағы күнгө күйіп, қиналып келе жатқан

жайлары бар. Соңғы күндері Байбөрі бәйбішесінің көніл құйінен бір өзгеріс аңғарғандай еді. Аналық байғұс күрт жүдеп, өзінен-өзі қатып-семіп, дерпті болғандай қүйге түскен. «Аузы қүйген үріп ішеді» дегендей, Байбөрі мұны сезіп-біліп жүрсе де, сұрауға батпай, ішінен тынған. Бұгін ертеңгісін ен далада өкеуден-екеу шошайып отырып, қоржын аузын ашты. Орамалдың түйіні шешіліп, жолға алып шыққан құрт-ірімшік, бабымен қатырып алған сүр ет, өрік, мейіз жайылды. Байбөрі байқап отыр, бұгін бәйбішесі аузына түйір дәм салмады. Осы тұста Байбөрі шыдай алмай:

— Япыр-ау, саған не болды, тәбетің неге болмай жүр?! — деп, көнілін күпті еткен жайдың мәнісін сұрады.

Сонда Аналықтың бетіне лып етіп қан жүгіріп, болмашы қымсынғандай шырай танытып еді. Сонан соң аз-кем бәгеліп отырып, тіл қатты:

— Уайым етпе, ием. Ауру-сырқаудан аманмын. Өзіңе айтайын деп талай рет оқталып едім, орайын таппадым. Енді айтпаска шарам жок, «Жерік — сүзектен жаман» деген рас екен... жерік болып жүрмін. Бір кереметі, адал асқа тәбетім шаппайды, арамды көнілім қалайды. Жазмыштың бүйрығы сол шығар, бір қабылан атып берсен, тоғанымша жеп, жерігімді басар ма едім деп ойлаймын.

«Куанған мен қорыққан бірдей» деген, Байбөрі қуаныш салмағын көтере алмағандай отырып қалды. Бұлардың аял еткен жері бұдырсыз жазық болатын. Жалаңаш жerde қабыланның журмейтіні мәлім. Сонан соң да Байбөрі жер жайын оймен шолып, аң-құсы мол Жетіаралға жеткенше асығып еді. Содан бір күні, Байбөрі таң алажеуімнен тұрып, қапысыз қамданып, Жетіаралдың алыс түкпіріндегі қалың жынысты бетке алып еді. Тәнірі оң шырай танытқан соң, не нәрсенің қисыны келе бермек қой. Күн шекеден өтпей-ақ, қалың қауды жапыра жүріп, артына мөрдей із тастаған қабыланның сорабы кездесе кетті. Байбөрі із қуалап табанынан таусылған жок. Қозы өрісіндей ғана жер жүргендеге, гүр еткен дауыс естілді Айтқанша болған жок, қабағы сапты аяқтай, жанары тостағандай қабылан қылыш құйрығын шапақтап, ұшыраса кетті. Әп-сәтте қапысыз қимылдап, бой тасалап үлгөргөн Байбөрі қарсы алдынан

кездескен қара ағашты паналай тұрып: «Я, сәт!» — деді. Айтқанша, қара мылтықтың ұнғысы жыланның інінде үніретіп, қабыланның өкпе тұсына үніліп келді де, курс ете қалды. Діттеген жерден табылған қорғасын қабыланды мұрттай ұшырып еді. Байбөрі атып алған аңын ақтармалап тастап, қос басына алып келгенде, Аналықтың қуанышында шек болған жоқ. Қабыланды мүшелеп бұзғанша тағаты қалмай, бөлек бір мінез танытып еді. Мұның бәрін жазбай таныған Байбөрі ширақ қымылдай жүріп, аз сәтте қабыланды боршалап тастады.

Табиғаттың тәртібіне тосқауыл болған пендे жоқ, Аналық бәйбіше де жеріктік күйінің құлы бол, бір қайнауы ішінде болса да, мосыдағы етті түсіріп алған. Сонан соң маңдайынан тер шығып, сүйсіне отырып, қабыланның он екі мүшесінен бір-бір қарбытып ауыз тиіп шықты. Тұла бойы жеңілдеп, бетінің ұшына қан жүгіріп, көңіл күйі де қанаттанып кеткендей еді. Байбөрі мұны көрген соң, ішінен шүкірлік етіп, енді елге жетудің қамына кіріскен. Аналықтың жерігі басылып, қабағы ашылған соң, бәйбішесіне қарап, Байбөрінің де көңілі судай тасыған. Сонан соң да еш алаңсыз сыйыра тартқан бай-бәйбіше аз күнде ел шетіне тұяқ іліктіріп еді.

Ел шетіне келген жолаушыны ең алдымен малшы-жалшының көретін әдеті. Бұларды да елдің жоқ қарап жүрген жылқышысы көрген. Көрісімен есі қалмай қуанып, етегі желбіреи шапқан бетінде ел-жүрттан сүйінші сұрауға асығып еді. Далалы елде жылт еткен жаңалықтың қанаты бар. Айтқанша болмай, бүкіл Қоңырат руы құлақтанып, жас-көрісі бар, хан-қарасы бар — естіген жанның бәрі қызылды-жасылды болып шұбап, Байбөрі мен Аналықтың алдынан шықты.

Ел-жүрты елбіреп алдынан шыққанда, бай-бәйбіше қатты толқып, көңілдері кекке жеткендей болып еді. Аналық байғұс қуаныштан көз жасын сыйып тастап, онысынан өзі қысылып та келеді. Байбөрі болса, сабыр сақтап, шұбырта тақалған ел-жүртына көз тоқтатса, қарсы алдында хан келеді екен.

Бұлар иіліп тағзым етті. Сол кезде хан тіл қатты.

— Да, арысым Байбөрі! Сен елден аттанғалы он айдың жүзі болды. Ел-жұртың дін аман. лаңымыз өзің ғана өдің. Шүкір, есөн-сау көрдік. Енді көніл күйінді білгіміз келеді.

— Хан ием, сапар қайырымен болды! Тәнірім көз жасымды көріп, тілегімді қабыл етті! — деді Байбөрі.

Сол-ақ екен, иін тірескен қалың қауым жамыраған қойдай араласып, бірінен-бірі сүйінші сұрап, бай-бәйбішеге құтты болсын айтуға үмтүлды. Қаумалаған ел-жұрты қуаныш күйін тартқандай дабырласып, зарыға күткен жолаушыларын ақ ордаға кіргізді. Бел шешіп, көніл демдеген Байбөрі естіген жанды таң қалдырып, көрген-білгенін жыр ғып айтты. Жақсы нышанды көздері көріп, көнілі орныққан ел-жұрты сол жерде құтты болсын айттысып, Байбөрінің төбедей ақ ордасының төріне жеткізе құрсақ шашу шашты. Бұл бұрын-соңды болмаған дәстүр еді. Қөрген жан мұны да өмірдің жарасымды заңындағы қабылдап, таңырқай тамашалаған. Сол кезден бастап байтақ жатқан Жиделібайсын жеріндө жүкті болған әйелге ақ тілеу айттып, құрсақ шашу шашатын дәстүр қалыптасты.

Содан үлкен басын кішірейтіп, алдынан шыққан ханға сый-сияпат беріліп, қалың жұртқа ықылас-ілтипат көрсетілген соң, жұрттың аяғы басылды. Көніл орнығып, тіршілік үйреншікті ағыммен өтіп жатты. Аналық бәйбіше болса, күннен-күнгө тәлекіп, көрген жанның көзін қуантып, көкірекке қуаныш үйірді. «Туған ай — туралған ет» деген, уақыт зымырап өте берді. Арада тоғыз күн өтіп, ай-күні жеткенде, Аналық бәйбіше бебеу қағып толғата бастады.

Ақ ордаға құр керіліп, қолтығынан асылды. Ел-жұртының екі көзін төрт өтіп, тура бір күн толғатқан соң, арыстай бір ұл дүниеге келді. Ұзак өмірінде перзент даусын өз ошағынан зарығып естіген Байбөрінің қуанышында шек болмады. Ендігі бар үміт-тілеу осынау нәрестенің жолында болып, құтты болсын айтқанға бір-бір аттан жетектете берді. Аналық бәйбіше сүйегі асыл, дені ..таза әйел ғой, аз күнде ширап, қол-аяғын бауырына алып, түлөп шыға келді. Бұл екі арада Байбөрі ұлан-асыр той жасамақ ниетпен тоқсан үй тіктіріп, өр үйдің босағасына мұрындық-ноқта тимеген тоқсан нарды, тоқсан құр атты құлатты.

Байсынның саздауыт жазығы тойға жиналғандардың дүбірінен солқылдап жатты. Байбөрі байлықтың бет-жүзіне қарамаған соң, оның сый-сияпты да ерекше салтанатты болды. Құда-құдандал, жеккет-жұрағат, дос-жаран өз алдына бір бөлек құрмет көріп, бас-басының иығына жанат ішік жабылды. Осы тойға қалың Қоңырат қана емес, жапсар жатқан Шекті елінің атақты байы — Сарыбай да келген. Сарыбайдың бұл қуанышты бөлісуінде өзіндік сыр бар еді.

«Жазмыштан озмыш жоқ» деген рас қой, құні кешелер Сарыбай да бір перзентке зар болып, көзінің жасы көл болып, Байбөрімен мұнсырын ортақтастырушы еді. Сонда Сарыбай өзінше арман етіп:

«Ей, Байбөрі, біз де тәнірінің өзі жаратқан пәндесіміз ғой, қашанғы еңіретер дейсің. Көз жасымызды көрер. Сонда бірімізден ұл, бірімізден қыз туса, екеуміз құда болайық, қыз бен баланы кемеліне келтіріп, бір-біріне қосайық», — деп тілек білдірген.

Мұны Байбөрі құп алып, іштей қуанып: «Тілегің Тәнірінің құлағына шалынсын!» — деген. Сол Сарыбайдың бәйбішесі жуырда бір қыз тауып, қуанышқа кенелген. Қызына Гүлбаршын деп ат қойған. Енді, міне, өзінің мұндағас досы Байбөрінің перзентті болғаны құлағына жетісімен, құтты болсын айтуға асығуында осындағы себеп бар еді. Өзге жүрттан келген соң, Сарыбайға арнайы үй тігіліп, елден ерен ықылас көрсетілді. Той үстінде екі бай бір-біріне берген уәделерін еске алысып, сол сертке барша жүртты күө етті. Байбөрі мен Сарыбайдың мұнысы бұрын-сонды бұл елде болмаған дәстүр еді. Куаныш үстінде Байбөрі Сарыбайға мойын бұрып:

— Ау, Сарыбай, өуелі бөл құда болып едік, енді бесік құда болдық. Байлықтың бақыт болмайтынын өзге білмесе де, сен екеуміз білеміз. Сондықтан тілегің қабыл болып, Тәнірім екі жастың жарасқан қызығын көруге жазсын! — деді.

Отырған жүрт:

— Аумин! — деп ұлардай шулап, бет сипасты. Осы кездे көнілі тасыған Аналық бәйбіше қуанышқа мас бола тұрып тіл қатты.

— Тәнірім сүйген қос мырза, жақсы ниеттерің жанымды жадыратты ғой! Осы уәделерің ауыздан шыққан көп сөздің бірі болып қалмасын,

сондықтан құйрық-бауыр жесіп, ерін майланадар. Сүйек болғандарының дәлелдеп, төс тигізіндер. Көңілдерінің ақтығына айғақ етіп, беттеріне үн жағындар. Осы бір айып-шамы жоқ үш жоралғы аталықтың белгісі, адалдықтың серті болсын!

Аналықтың айтқан сөзін естіген жұрт қуана құптады. Қос құда құйрық-бауыр жесіп, төске төс тигізісіп, беттеріне үн жақты. Мұның өзі көрген жұртқа бөлек бір салтанаттай, ұрпаққа үлгі болар дәстүрдей әсер етіп еді.

Сол кезден бастап бел құда, бесік құда болу; туыстықтың айғағы сияқты құйрық-бауыр жесіп, төс түйістіріп, бетке үн жағу; балалар есейген соң, қалыңдық ойнату — ұрпақтан-ұрпаққа ауысқан дәстүр болып қалыптасты.

Мұнан кейін Байбөрінің көңілі өскен үстіне өсе тұсті. Тойға жиналған қара құрым халықтан риза болмаған бір жан қалған жоқ. Байсынның даласында аңдай өрген қалың жылқысын тарататарата, тек қана құнаны мен тайлары қалып еді. Оған өкініп жүрген Байбөрі бар ма, ағайынмен кенесіп, бәйбішесімен сырласып, енді ұсақ малын сыйға тарта бастады. Қанағатсыз пенде көп, Байбөрінің сый-сияпатын бір емес, бірнеше оралып соғып олжалағандар да болды. Онымен ен дәулет ортайып жатқан жоқ. Әйтеүір, қалың елдің үлкен-кішісі ұзақтықысқалы ғұмырында мұндан тойды көрмек былай тұрсын, естігеміз де жоқ деп, ауыз ашып, көз жұмып еді. Осының бәрі зарығып жүріп көрген перзентіне біреудің назасы тимесінші, тіл-көзден аман болсыншы деген көңілдің көрінісі болатын, Той үстінде азан шақырылып, нәрестеге Алпамыс деп ат қойылды. Бай-бәйбішениң көзінің жасы тыйылды, көрген қорлық, тартқан бейнет, шеккен уайым бір күнгідей болған жоқ. Көрген тұстей сейіліп, бәрі де ұмыт болды. Осымен мұнсыз-қамсыз күндер өтіп жатты. Алпамыс үкідей үлпілдеп өсе берді. Күндердің бір күнінде, дәлірек айтсақ, арада аттай үш жыл өткенде, Баба тұкті Шашты Әзиздің айтқаны айдай келіп, тұлымы желбіреген бір қыз дүниеге келді. Байбөрі қызына Қарлығаш деп ат қойды. Тағы да тамам елді тамсандырған той жасады. Алпамыс пен Қарлығаш жауқазында желбіреп, қызғалдақтай құлпырып, күн санап өсе берсін! Аумин!

АЛПАМЫСТЫҢ АЛҒАШҚЫ САПАРЫ

Алпамыс аттай он жасқа толды. Құйрық басқанда, қой сойып, қаз түрғанда, тай сойған Байбөрі, жалғыз ұлы онға толғанда, ұлан-асыр той жасады. Ел-жүртүнің батасын естіп, көңілге мәдет етті. Бұл кезде байтақ Қоңырат елі Алпамысты бек санап, жайылып жастық, иіліп төсек болатын. Алпамыстың өзі де көрген жанның көңілін толтырып, сексеуілдің шоғындай жайнап өсіп келе жатыр еді. Бірақ өлі де болса бұғанасы қатпаған ойын баласы ғой, өзірше ауыл-үйден ұзамай, ел ісіне араласа қоймаған. Уақытыңың дәні дала балаларының таусылмас қызыққа толы ойынымен өтетін. Бір ғажабы — бала болып ойнаған соң, алсызып-жұлыспай журе мे, Алпамыстың қолы тиген бала құлышында шырқырап, есөңгіреп қалатын. Өзі қатар балаларды шертіп жіберсе, олар есінен танып, қойып жіберсе, өліп қалатын болды. Мұны білген көрші-қолаң кәдуілгідей сақтанып, Алпамыс қотаннан көрінсе болды, балаларын үйден шығармайтын.

Бір күні Алпамыс зерігіп, ойнауға бала таппай сыртта жүрсө, өрмек тоқыған көрші кемпірдің жанында баласы ұйықтап жатыр екен. Алпамыс жақындал келіп: «Ей, бала, тұр, асau тай үйретіп ойнайық», — деп тұртіп оятқанда, бала оны көтере алмай талып-ақ қалғаны. Сол-ақ екен, кемпір шаңқылдап, Алпамысқа қай-қайдағыны айтығ� сөйлей жөнелді:

— Ө-ө, қу жүгермек! Елдің баласына қырғидай тиіп, енді менің ұлымға келдің бе? Сен жалғыз болсан, бұл да жалғыз. Мен де көз жасымды көлдетіп жүріп тілеп алғанмын. Көзімнің тірісінде кім көрінгенге жүндегетіп, жайыма отыра алмаймын. Аулақ жүр, ойбай! Ішің толып бара жатса, ақ батамен айттырған қалындығың — Гүлбаршынды іздеп тауып алмайсың ба? Әкесі Сарыбай сенің осындағы үр да жық болатыныңды біліп, іргесін аулақ салған ғой. Өй, жетесіз неме сол, неменене жетісіп ойнайсың осы сен!..

Кемпірдің мына сөзі Алпамысты қайран қалдырып еді. Қалыңдығын, — Гүлбаршын, атаң — Сарыбай деген сөздерді бірінші рет естіп тұр. Соң да кемпірдің қатты сөзін сабырмен тындалап, ашуы басылған кезде:

— Шешежан, айыбым мойнымда! Кешірім етіңіз. Мен жаңағы бір сөзіңіздің мәнісін түсінбей тұрмын, — деп сұрады.

Алпамыстың кішірейіп кешірім сұрағаны кемпірдің ашуын су сепкендей басып, енді түк ' болмағандай Гүлбаршынның жайын әңгімелеп кеткен еді.

Жапсар жатқан Шекті елінде Сарыбай деген бай болған, — деп кемпір сөзін бастады, — ол сенің әкең Байберімен құйрық-бауыр жесіп, төс тигізген құда еді. Жалғыз қызы Гүлбаршын — ай десе аузы, күн десе көзі бар — сенің қалыңдығың болатын. Адам азғырды ма, шайтан азғырды ма, кім білген, сол Сарыбай сенің атадан жалғыз туғаныңды желеу етіп: «Алпамыс олай-бұлай болса, жалғыз қызым әменгерлік жолымен Ұлтан құлға қор болады», — деп, бөліне көшіп кеткен. Гүлбаршын сұлудың бой жетіп, туған айдай толысатын уақыты да болып қалды. Сөздің байыбын ұққан Алпамыс үн-тұнсіз жүріп кетті. Жай кеткен жоқ, өзінің жалғыздығын жарадай сезініп, оның үстіне Гүлбаршындай-қалыңдығынан айырылғанына іштей намыстанып кетіп еді.

Тіптен осы уақытқа дейің ауыл-елі оны іштей мазақ етіп, сол мазақтың сырын жасырып келгендей, өзінен-өзі қорланған. Алпамыс ашу қысып, булығып келген бетінде, ақ орданың төрінде тұрған қырық кез күміс сандықты жұдырықпен бір-ақ қойып құл-талқан етті. Сандық ішінде арнайы соғылған қару-жарағы, сауыт-сайманы болатын. Алпамыс жан адамға тіс жармастан, ақ сауытын киіп, бес қаруың асынып, алтын кемермен белін буып, қалың жылқыны бетке ала жүріп кетті. Алпамыс жылқы ішіне келген соң, ерге қанат болардай жақсы ат іздеп біраз жүрді. Жал-құйрығы төгілген талай сәйгүлікке арқан тастап үстамақ болып еді, құландаидай құр жүрген жылқы жалғыз жаяуды маңайына жуытпады. Өзін ашу қысып келген Алпамысты мына өурешілік әбден ширықтырып еді. Осы кезде қалың жылқының ішінен құнан тісін тастаған бір шұбар ат белініп шығып, Алпамыстың алдын көлденендей

берді, Мұшесі сұлу демесе, қабырғасы ырсиған, көп жылқының бірі сияқты. Өзі күйіп тұрған Алпамыс шұбар дәненде жүгеннемен басқа бір салды. Мұны елең қылған шұбар жоқ. Қайта қаз мойның иіп, жүгендегенде дегендей, ұмсына берді. Алпамыс болса, одан сайын ашуланып, қыл құйрықтан тұтамдай ұстап алды да, бұлғап-бұлғап, лақтырып жіберді. Міне, керемет, шұбар дәнен үйірліп барды да, ай такырға төрт тағанымен дік етті. Жығылған жоқ. Мұны көрг.ен Алпамыс аз сәтте ашуын ұмытып, ойланып қалды. «Ерге лайық ат өкенсің, Байшұбар деп атайын, арқаңа ерді салайын, аруақтарға сыйынып, өзіме қанат етейін», — деді іштей. Байшұбар ат, шынында, ерекше жаралған пырақ еді. Өзін-өзі жаратып, үнемі дені таза зар күйінде жүретін. Енеден тұлпар боп туған соң қадірін білер ие іздеп, ондай ие кезікпей, бойын тасада ұстайтын. Алғаш көргенде Алпамыстың көңілі толмай жатуында да осындай сыр бар еді.

Алпамыс Байшұбарға ер салғанда, оның аркасы қозар шын жүйріктей жұтынып шыға келді. Жал-құйрығы сүзіліп, түгі құндыздай жылтырап, сегіз жасар сақа аттай көз қуантты. Осы кездे Алпамыс: «Иә, пірім!»—деп, үзенгіге аяқ салды.—«О-о, Тәнірім!—деді ол.—Жортқанда жолымды оңғара көр!» Алпамыс ерекше толқып, үні бұзылып, осынау алғашқы сапарына құдайдан мәдет тілеп еді. Мұнан әрі уақыт алған жоқ, бес қаруын сайланып, қызыл найзаны тақымына басып жөнеп берді. Астындағы Байшұбар болса, бұл сәтпен сағынып табысқандай, еркін көсіліп, ұшқан құспен жарысып, жұлдыздай ағып бара жатты. Қазіргі сәтте Алпамыстың көңілінде бір ғана өкініш бар еді. Ол осынау сапарын, тым болмаса, соңынан ерген жалғыз бауыры Қарлығашқа да айтпай кетіп бара жатқаны болатын.

Алпамыстың ат жалын тартып мінгеніне бүгін он өкінші күн. Осы он екі күн ішінде астындағы Байшұбар ат басқа төрт аяқтының он екі ай жүретін жолын жүріп өтіпті. Ер қанаты саналған астындағы аттың мұнданып кездескені Алпамыстың көңілін көтеріп келе жатқан. Бір мезгілде қарсы алдынан жалғыз ғана қыз өмшек шоқы көрінді. Талай күннен бері бұдырысыз көрілген байтақ дала көңіл зеріктіргендей, әлгі шоқыға ат басын бұрып еді. Кешікпей-ақ салып-ұрып төбе басына шыға

келді. Төңірек алақандағыдай болып дөңгеленіп, аяқ астында жатыр. Алпамыс күн сала қарап, бет алдын бағдарлап еді. Қияннан өрттей боп шалқыған будақ-будақ шаң көрінді. Шаң астында — құмырсқадай қыбырлаған қалың қол. Қалың қолдың алдында айшықты ала ту желбірейді. Шеткерірек, бірі — ақ, өкіншісі — қара, қос шатыр тігілген. Енді байқады, қазіргі өзі тұрған жалғыз шоқыдан құлай созылған қасқа жол жаңағы қалың қолға бастап жатыр. Алпамыс: «Япыр-ау, бұл неғылған қалың қол?»—деп, таңданып қалып еді.

Сонан соң неде болса бара көрмек ниетпен, айыл-тартпаны тартыңқырап алу үшін атынан төңкөріле түскен. Сол сәт Алпамыстың өкшесі тық ете қалды. Аяғының астына қараса — үй орнындаи жалпақ тастың үстінде тұр. Тақтай тастың беті шұбар ала жазу. Жазуға көз жүгіртсе, өзінің аты аталған —«Алпамыс» деген сөзі бар. Мұны көрген Алпамыс атын жетектеп, тас үстінен түсіріп, асықпай, жазудьгоқуға кірісті. «Тәнірімнің сүйген құллы Алпамыс!—деп жазылышты тақта тасқа. — Бұл сөздерді жазушы құдай қосқан қоеағың Гүлбаршын деп білініз. Әкемнің шалыс басқан қадамына Тәнірімнің жіберген жазасы болу керек, міне, бүгін қырық күн болды, қалмақтың Қараман дейтін батыры аулымызға келіп, қызойнақ салып жатыр. Соңында мың-мыңнан ерген қалың қол. Сонан соң да, күйеу болып кішірейіп келмей, күш көрсетіп, әрбір он қарадан бір қараны зекеттеп алып жеп жатыр. Қалмаққа жалғызыымды бермеймін деп тыртысып әкем отыр. Бірақ қалың жаумен тіресіп не өндіреді. Соны біліп, бір түнде қашып шықтым да, аруақ жар болып мени іздеп шықсан, осы жолмен жүрер-ау, осы тауға шығар-ау деп, осынау жазуды қалдырды. Жиделіге жетіп жығылсам деп арман етіп едім, жау жағадан алып жатқанда, ол ойымның орайы келмеді. Жортқанда жолың болсын, жолдасың Қызыр болсын! Зарыға күткен қосағың — Гүлбаршын». Тасқа басылған хат сөзін Алпамыс үш қайтара оқыды. Әр сөзін дұғадай жаттап, байыптап, көкейіне түйіп алды. Қазіргі сәтте Гүлбаршын сұлудың жақсы сөзі, есті қылышы жүрегін елжіретіп:

«Тезірек жетші!»—деп, үздіге шақырғандай. «Мұнда-мұндалап», қол бұлғап, торға түскен торғайдай шырылдап араша сұрағандай. Бұл өсөр Алпамыстың тағатын тауысып, асықтыра түскен. Асыға тұрып, тағы да

бір ойға қалды. Сайдың тасындағы сайланып келген қалмақтың мәмілеге көнбейтіні хак. Бойжеткен қыз қашаннан ер жігіттің олжасы. Өнөрі асып, күші басым болған жағы соңынан ертіп кете бермек. Оның үстіне халқын қорлап, өктемдік көрсетіп, он қарадан бір қараны зекеттеп, қынадай қырып жатысы мынау. Мұның бәрі тек білектің күші, найзаның ұшымен шешілуге тиіс деп ойлады Алпамыс. Ойлады да: «Иә сәт!»—деп, атқа қонды. Көкке қолын жайып, жаратқан жалғызға сыйынды. — «О-о, Тәнірім, жалғызыңа жар болып, жолын оңғара көр! Артымда қалған атана, аяулы қарындаспен қуанып қауышар күнге жеткіз! Аққа құдай жақ болғай!» Осылай деп Алпамыс бес қаруын сайланып, Байшұбарға қамшы басты. Ұшқына шапқан Байшұбар лақтырған тастай құлдырап, тау басынан ыра төмен аға жөнелді.. Соңында шүйкедей созылып қалған қою шаң зор қайрат лебіндегі шалқып, көрер көзді тіксінткендей еді.

Күндей күркіреген қаһарлы дауыс шашырап жатқан мың сан қалмадты селт еткізді. Күнге жонын төсеп жайбарақат жатқан жыланды тұртіп оятқандай, қалың қалмақ демде жиырылып, өре түрегелді. О шеті мен бұш шеті айшылық алыс жерді алып жатқан байтақ қазақ даласы үшке бөлініп, ол бөліктері — Ұлы жүз, Орта жүз, Қіші жүз деп аталатын. Онысы үй ішінен үй тігіп, араларына жарқышақ-жіктің түскендігінен емес, ошақтың үш бұтындағы — ел бағының үйтқысы болайық дегені; садақтың үш қырлы жебесіндең сырт дұшпанға айбар болайық дегені, біріміз — үлкен, біріміз — ортаншы, біріміз — кіші болып, жұбымыз жарассын дегені. Сондықтан да қызықты ғана бөліспей, ел басына күн туған қындықта да үш жүз иық түйістіріп, бір саптан көрінетін. Ел шетіне жау келсе, әр жүз өз ұранын шақырып, бір-біріне жігер беретін. Жаңағы бір күндей күркіреп, қалмақтардың апшығын қуыра, естілген Орта жүздің ұраны болатын. Атойлап ұран салған Алпамыс еді. Астындағы Байшұбар ауыздығын қарш-қарш шайнап, батыр қолындағы ақберен алмас жарқылдап, қойға шапқан қасқырдай бір шеттен келіп килігे берді.

Жау жарағын .жастанып жататын қалмақтар да оңай дұшпан емес. Бір сәтте олар да дүркірей көтеріліп, садақтарын кезеніп, найзаларын

шошандатып, лап қойды. Әп-сәтте шаңғыр-шұңғыр соғылысқан қару-жарақ, өкіре құлаған өлік, сып-сып етіп зулаған садақ жебелері ат шаптырым алқапты азан-қазан етті. Өрттей тиіп, сынаптай сырғыған Алпамыс қалың қолды қидалап ана шетке бір шықса, қайта шүйіліп ұмтылғанда, мына шеттен тізгінді әрең тартады. Қолындағы алтын сапты ақберен дем сайын сазанның бауырындей жарқылдап, сермелген сайын қалың қалмақты қофадай жапырып жүр. Қазіргі сәтте Байшұбар да бар өнерін көрсетіп, қолтығынан су шығып, танауынан бу атып, толарсақтан қан кеше құйғытады.

Алғашқыда асып-сасқанмен, аз сәтте ес жиып үлгерген калмақ қолы жауының жалғыз екенін біліп, садақпен-ақ шұқып тастамақ болған. Сол ниетпен тұс-тұстан кезелген бүкір бөл садақ бүктетіліп жазылғанда, Алпамысқа шүйілген мың сан жебе құннің көзін көрсетпей жіберді. Ғажаптың кереметі осы сәт бір көрінген. Жаңағы мың сан жебе жаңбырдай жауып, Алпамысқа шып-шып тигенімен, денесіне сызат та тұсіре алмастан майырылып қала берді. Мұның сыры — Алпамыс берен кәміл пірге сыйынып жауға жалғыз ұмтылғанда, Ғайып-ерен қырық шілтен тірі жанға көрінбей, тұмандай бол түйіліп келіп, жас батырды қолтығының астына алып еді. Кеү-кеулеп-ақ ұмтылған қалың қалмақ атқан оғының Алпамысқа дарымайтынын көргенде, таңданыстарында шек болған жоқ. Қораға тұскен қасқырдай қамап, қолға түсіріп аламыз деген ниеттерінен демде қайтып, енді сасайын деді. Қайсыбірі бас сауғалап, құжынаған қалың қол шілдің тезегіндей шашырай берді.

Алпамыс болса, жанары оттай жанып, мәңдайы өнді бусанып, мың сан қолды қойдай иіріп қырып жүр. Осылайша сұрапыл айқас жүріп жатты. Бұл кезде Сарыбайдың үйінде де жаңалық болып, қуаныштың лебі ескендей көңіл күйде еді. Бағана Алпамыс ұрандап ат қойғанда жас батырдың қаһарлы даусын алдымен Гүлбаршын естіген. Зерделі қыз естісімен, Алпамыстың келгенін жазбай танып, жас жүрөгі лүпілдеп, көзінің жасын сығып алған. Сол бетінде-ақ жүзіне қан жүгіріп, қуаныштан асып-сасып, әкесі мән шешесінен сүйінші сұрап еді. «Тәнірім, көз жасынды көрген екен!» — деп, шешесі Гүлбаршының мәңдайынан сүйді. Бұған Сарыбай да іштей шүкірлік етіп, өнді ақырының не боларын

ойлаған. Құдік-күмәні де жоқ емес. Алпамыс болса, кеше ғана қолында туған жас бала. Көргенінен көрмегені көп. Қалмақ болса мынау, самсал жатқан қалың қол. Сол қалың қолдың бәрін айтпағанда, бір Қараманның өзі оңайлықпен жөніне кетер ер емес. Талай шайқаста шыңдалып, жаудан жеңіліп көрмеген деген жалаң тәстің өзі. Сарыбай осыны ойлап, іштен тыңды. Сабыр сақтап, жалғыз қызының қуанышын бөлмейінші, көңілін алаң өтпейінші деп, үнсіз отырып қалды. Бұл кездे Алпамыс найзағайдай жарқылдап, жауының апшысын қуырып, шетінен жаусатып жүр еді.

ҚАҢАРЛЫ ҚАРАМАН

Қалмақтың қалың қосынан оңаша, биік дөңес үстінде ерекше салтанатпен тігілген ақ шаңқан шатыр тұр. Төрт иығы алтындаған бақанмен керіліпті. Оның өзі күнге шағылып, көрер көзді қарықтырып, қараған жаннның мысын басқандай. Әр бақанның арасы құлтелене төгілген жібек шашақпен жалғасқан. Іргеден сорая шыққан үш сұңглі қара найза қақырайып, қан тілөп тұрғандай ерекше сұсты көрінеді.

Шатырдың сыртқы босағасында қайқы қылыштарын жалаң ұстап қос жауынгер тұр. Шілденің шыжыған ыстығында қазір айқасқа түсетіндей сауыт-сайман құрсанып, бес қаруын асынып алған. Содан да болар, пысынап, көртпеш танаудың үстінен шып-шып шыққан тेң моншақтары білінеді. Бірақ оны өлең тұрған бұлар жоқ, тас мүсін сияқты кірпік қақпастан қатып қалған. Осы көріністің өзі-ақ шатыр иесінің ерекше қатығез зәрлі екенін өйгілегендей.

Бұл оңаша тігілген шатыр иесі — қалмақтың ханы әрі қолбасшысы Қараман батыр болатын. Кеше кешкісін бір бағыланның етін жалғыз өзі жеп, жастыққа бас қойған. Содан, міне, сәске тұс болды, әлі үйықтап жатыр. Батырдың тыныштығын күзеткен сырттағы жалаң қылыш ұстаған қсұ: жауынгер ғана өмес, алыстан орап, бейсауат жүргіншіні жасқап, бәйек болып жүрген жауынгерлер де бар. Күзеті осындағы берік болған соң, шатыр маңайы құлаққа ұрған танадай шырттың шомған. Кенет осынау тыныштықты тапырақтай дүрсілдеткен ат дүбірі мен әлдекімнің «Аттандаған» жарықшаша даусы бұзып жіберді. Сырттағы қос жауынгер елең етіп ес жиғанша болған жоқ, тасырлата шапқан жалғыз аттылы хан шатырын бетке алып келіп қалды.

— Аттан! Аттан! Жау! Жау!

Жалғыз аттылы даусы сөнбестен сұңқылдан келіп, атынан домалай түсті. Бір аяғын ауырсынып сүйрете басады. Қара санға бойлай кірген найзаның орны ырсылып, шұбырған қан жолақ бол соңында қалып жатыр. Әбден үрейі ұшып, титықтап жеткен жаралы жауынгер қос күзетшіні серпіп тастап, ішке енді. Босағадан аттай бере:

— Хан ием, жау... жау шапты! — деді ентіге тұрып.

Бұл кезде Қараман батыр да басын көтеріп, жібек шапанды желбегей жамылған қалпы тәрде отырған. Сол сөт қабағын түйіп, қабыландай гүр ете қалды:

— Маған жау таңсық өмес, өзім де жау ішінде отырмын. Аптықпай, айтарынды жөндеп айт!

— Бүгін таңда шұбар атты бір бала келіп, қалың қолыңа бүйідей тиді. Атсақ — оқ, шапсақ — қылыш өтпейтін бір керемет! Өуселесін көрген соң, өзіңе хабар бермек болып талпынып едік, қойдай иіріп, қоғадай жапырып, шашау шығармай қырумөн болды. Содан есебін тауып, сыйылып шыққаным осы. Өзі көктен түсті мә, жерден шықты ма, жан білмейді. Ақберен қылышын сілтесе, құр кетпейді, небір атан жілік батырларың опат болды.

Талай дұшпанмен бетпе-бет келіп едім, дәл мынадай алапаты артық біткен жауды көргенім жоқ. Сөзіме нансан, тезірек орныңнан тұр. Қалың қолың қырылып, масқара болмай тұрғанда, алдынан шығып, арынын бас. . Мына сөзді естіп Қараман қарқ-қарқ күлді.

— Бұл күшімнің пайдасын қашан көремін деп қапа болушы едім, сен жақсы хабар әкелдің-ау! — деді. Соңан соң, күректей алақанын сарт-сарт соғып, тыстағы күзетшіні шақырып алды да, қара тұлпар мән қару-жарағын өзірлеуді бүйірды.

Бұл екі арада Қараманның оянғанын біліп, шатырдың төнірегінде қара-құра молайып, асшы-қосшы жігіттер зыр жүгріскен. Батыр қамданып жатыр деген соң, арнайы сойылған тайлы биे, тоғыз қойдың жылы жұмсағы айтқызбай-ақ шатырға көлтірілді. Дәмді тағам келгенде, дүниенің бәрін ұмытқандай Қараман буы бұрқыраған жас етке сұғына кірісіп еді. Кешікпей-ақ шатыр алдына көлденеңдетіп қара тұлпар тартылды. Жау-жарағын асынып^λ төбедей болып теңселе басқан Қараман атқа мінді. Қараманның айбатпен атқа қонғанын жансыз жіберіп, Гүлбаршын сұлу да біліп отыр еді. Сол сөт ол да асып-сасып, жанын шүберекке түйіп, Алпамысқа хабарлауға асыққан. Өзінен басқа ешкімге сенбей, құстай ұшып, шолпысы сылдырап келе жатқан.

Бұл кезде қалың қалмақты қынадай қырған Алпамыс атынық белін босатып, мәндайының төрін сүртіп тұр еді. Өзімен-өзі болып, жауға шапқан алғашқы қадамына іштей толғанып тұрып, Гүлбаршының қасына келгенін бірден байқамай қалды.

Гүлбаршын болса, жолы жінішке қыз ғой, Алпамыстың мойын бұрып құдрамағанын өзінше жорып, көнілі құлазып, көзіне жас іркіліп еді. Бірақ жөн-жоралғы сақтап, сызылып тұрар уақыт па, Гүлбаршын тақалып келіп тіл қатты:

— Армысың, Алпамыс!

Мойын бұрып, көз салған Алпамыс демде жадырап, уыз өнінен қаһарлы қаталдық қас қағымда сейіліп, құле жауап берді:

— Бар бол, Гүлбаршын! Есен-сау жолыққанымызға шүкірлік!

— Айналайын, Алпамыс!—деді, Гүлбаршын даусы дірілдеп, көзінің жасын ірке тұрып.— Талабың құтты болсын! Іздеп-жоқтаушым өзің болып, зарығып жүргенде төбенді көрдім, Тәңіріме мың да бір шүкірлік.

Тілегіміз қабыл болса, айтылар сыр алдымында ғой... Мен сені бір қатердөн сақтандырғалы келіп тұрмын. Жана Қараман батыр атқа мінді. Жауар бұлттай тұнерген түрі жаман, тіс қаққан жырынды жау ғой, тілімді алсан, сонымен тіреспей-ақ қойсан деймін. Есебін тауып, қашып кетсөн, келер күннің амалын тағы көре жатармыз.

— Сабыр ет, Гүлбаршын!—деді Алпамыс. — Сабыр ет! Жазмыштан озмыш жоқ. Ақ бата қосқан өзіндей қосағымды қалмаққа қор қылышп, жер басып жүрмей-ақ қояйын. Жалғыздың жары құдай деген, Қараман да мен сияқты басы жұмыр пенде шығар. Тағдырдың бұйрығын тәуекелге салып көрейін... Ал сен уайым етіп жүдемей, тезірек үйге қайт.

Гүлбаршын зерделі қыз ғой, мұнан әрі тәжікелесіп, сөзге келмеді. Шолпысы шылдыр етіп болмашы иілді де, көрі бұрылып жүріп кетті.

Бұл кезде Қараман аш бөрідей жалақтап, тәңірегіне тінте кез салып, қара тұлпарымен сыйдыртып келе жатқан. Кешікпей-ақ, жолында тәбе бол үйіліп, қоңырси жанып "жатқан сансыз өліктің үстінен шықты. Қырғын тапқан қандастарының мына көрінісі Қараманның намысына шоқ болып түсіп, ширығып шыға келді.

— Қайда?! Жау қайда?!—деп арыстандай ақырды. Қараманның қаһарлы үні төңірегіндегі тау-тасты тітіретіп, жанына ерген жауынгерлерін қалтыратып жіберді.

Өздері қара көрсетуге бата алмай, Алпамысты алыстан торып жүрген жауынгерлер жампаң қағып, Қараманды бастай жәнелді. Жел қайықтай сырғыған қара тұлпар арқасындағы иесін төбедей төңсeltіp, әне-міне дегенше Алпамыстың тұсына алып келді. Алпамыс мынадай алып тұлғалы жауынгерді тұмысында көрмеген. Жас жрегі алабұртып, іштей толқу үстінде жаратушы жалғызға сыйынды. «Тіленіп шықсан өзім ғой, тентіреп қашсам, өлгенім болар... Жар бола гөр, жалғыз хак, өлсем де қарсы тұрайын!» Бұл екі арада үніле төніп келгөн Қараман сөзге.дe келмestен бұж-бұж шойын күрзісімен Алпамысты соғып өтті. Қапысыз сілтенген қара күрзі Алпамыстың дәл басынан тиіп, дүние шыр көбелек үйірілгендей болды. Көзінен ыршып кеткен жасы Байшұбардың жалын сулады. Соққының қуаты соншалық, егер Қойқаптың қия шыңына тисе, тау-тасының быт-шыты шығып, жермен-жексөн болғандай өді. Әйттеуір, жаратылысы бөлек Алпамыс болғандығымен ғана шыдалп қалды. Дереу тізгін тежеп, екінші рет қайрылған Қараман тағы да құлаш керіп үмтүла бергенде, Байшұбар ат ышқына қарғып, құла дүзге ала қашты. Сол қашқаннан мол қашты. Қазіргі сәтте ауыздықпен алысқан Алпамысты да елең қылмай, қамыс құлағын жымита жүйткіді. Бұл кезде Қараман да қарап тұрмай, қара тұлпарға қамшы басып, өкшелей қуған. Осы кезге дейін тізгінін босатса болды, қара тұлпардың алдына төрт аяқты шығып көрмеген. Сонан соң да Қараман: «Қазір-ақ қуып жетермін, қара құстай бүрермін»,— деп ойлап өді. Бірақ олай болатын ыңғайы көрінбеді. Байшұбар ат мазақ қылғандай — не қара үзіп кетпей, не жеткізбей, көз алдында көлбендей — жынына тиді.

Қараман болса, ашуға булығып, қамшы үстіне қамшы ұрды. Жанжағына көз салса, бел-белестер қаңбақтай дәңгелеп қалып жатыр. Қара тұлпардың шабысында мін жоқ сияқты. Бірақ қарсы алдындағы Байшұбар жеткізер емес. «Жамандатқыр ит Қара ат, жаңағы жеген тайлы бие, тоғыз қойдың етін ауырсынып келе жатқаннан сау ма!»—деп

ойлады Қараман. Ойлады да, қалбаң еткізіп қалқаңын бір жерге тастады, шолтаң еткізіп шоқпарын бір жерге тастады.

Осы сөт қос құлағын жымитып артын бағып келе жатқан Байшұбар демде адымын қысқартып, қара^{*}тұлпарды өзіне тас лақтырымдай жуықтатып еді. Байшұбардың ыңғайын Алпамыс та жазбай танып, есті жануардың ақыл-айласына тәнті болған.

Қараман болса, қорбандалап, қара аттың төніп келгенін қос қаруын тастағаннан деп біліп, енді қалған қаруын лақтырып, үстіндегі сауытын шеше бастаған. Үш сұңғілі қара наиза шаншылып бір жерде қалды, алмас қылыштың алқымы жарқ етіп бір жерде қалды. Бара-бара тоғыз қабат темір сауытын да лақтырып, енді мұлдем жалаң төсі жарқырап қалып еді. Мұны көрген Алпамыс та көңіл орнықтырып, Байшұбардың басын тежей түскен. Сол кезде аңғал-санғал боп, үнірәйе төніп келген Қараман құр қолын кекке білеп, ызадан жарылып кете жаздады. Алпамыс болса, тұлкідей жалтарып, қаршығадай қайырылып соғып, ителгідей сүзіле түйіп өтеді. Мұндайда Қараманның қарақұстай қалбандалап, құр қолын ербендеткеннен басқа шарасы жоқ. Онысына күйіп-пісіп тістеніп жүргендे, ашиққан қасқырдай жағы қарысып қалсын. Оған бұл да бір сор болды. Енді Алпамыстың жалтақтайтын реті жоқ. Байшұбарын қиялай бұрып, қарсы төніп келді де, Қараманның ербен еткен бір қолын шауып түсіріп кетті. Екінші қайырылғанда, келесі қолы шабылды. Мұнан әрі тіптен жанаса түсіп, кескен теректей болған Қараманды жағадан алып, сілкіп-сілкіп жіберіп еді, бағанағы сұғына жеген жылы-жұмсағы кесек-кесек боп атқып кетті. Іле аузы-мұрнынан дірдектеп қара қан ақтарылды. Осылайша шипасы біткен Қараманды көкпардай сүйретіп, Алпамыс кете барсын.

Бұл кезде қос батырдың қайсысы жеңер екен, Гүлбаршын оғлу қайсысына бұйырар екен деп, әр төбенің басында қазақ пен қалмақ анталасып тұр еді. Әлден уақытта көз үшінан бұлдырап жалғыз ноқат көрінді. Сонынан шүйкедей созылған шаң білінеді. Жалғыз ноқат тақала келе, бурыл тартып, Байшұбар екені көзге оттай басылды.

Әні-міне дегенше аузынан көбігі былшылдан, қолтықтан тері тамшылап, құйындарып өте шыққанда, көкпар әкеліп салғандай шаңын

бүркө еткізіп Қараманды тастап кетті. Ойнақтап өткен Байшұбардың үстінде мейманасы асып Алпамыс бара жатты.

Күні кеше қалың жүртты қан қақсатып, қырғидай тиген Қараманның мына күйін көргенде, тәбе басында тұрған тамам өйел лап қойсын. «Көзіміздің жасын көп төгіп едің, қу қара, тарт өнді сазайыңды!»—деп, түйіле ұмтылған қатын-қалаш Қараманды әп-сөтте жұндей тұтті. Ел-жүртіның қайғы-қасіретіне көп күе болған күміс сақал қария тәбе басында отырған күйі: «Зорлық түбі — қорлық!»—деп күбір етті.

— Сүйінші, Сүйінші!

— Күйеу келеді! Күйеу келеді!

— Гүлбаршын сұлудың құдай көз жағын иді-ау!

Біреуі — басшы, біреуі — қосшы боп, Алпамысты қоршаған қалың жүрт у-шу, дабыр-дұбыр болған күйде Сарыбайдың ақ ордасына тақалып келе жатты. Тұс-тұстан жақсылықтың хабаршысындей болып керней үні естіледі. Аяғы жеңілдер оза жүгіріп, сүйінші сұрауға асыққан. Алпамыс болса, уыз өніне болмашы қан жүгіріп, қазіргі қолпаш-құрметтөн қымсынғандай.

Жақсылық хабар жата ма, бұл кезде Сарыбай да құлақтанып; «Алпамыстың алдынан алтынмен зерленген кілемді алып шығындар, аяғын жерге тигізбей, аттан тұсіріп алындар!»—деп, оң шырай танытқан. Мұнысы, бір жағы — өзінің ауа көшкен айыбын жуғаны болса, екінші жағы — Алпамыстың артық жарапған ерлігіне көңілі толған шын пейілі еді.

Сарыбайдың бұл қылышы «қайтер өкен!» деп толқыған өл-жүртін қуанышқа бәлеп, мәре-сәре етті. Қылымси басып, үлкендердің қас-қабағын баққан қыздар жағы шашылған гүлдей жамырап, Гүлбаршынды алып келуге асықты. Қатындардың бір тобы қонақ үйді құлпыртып, қазан-ошақ көтерді. Көпшілік қаумалап жүріп, Алпамысты хан көтеріп, кілем үстіне тұсірді.

Күйеу де болса бәлек құрмет көрсетіп, сыртқа шыққан Сарыбай осы кезде тіл қатты.

— Қадамың қайырлы, құтты болсын, балам!

Қысқа қайырым тіл қатса да, Сарыбай ерекше толқып, атальқ мейірім таныта сөйлөп еді.

Бұл кезде үкідей ұшып, қуаныш лебіне шарпылғандай, ақша беті алаулап Гүлбаршын да жеткен. Бірақ ата-ана, ағайын-туған алдында ибалық сақтап, іштей Алпамыстың жолына жанын құрбан етіп тұрса да, көз көргенді қанағат етіп еді. Амандық-саулық сұралып, жөн-жоралғы жасалған соң, Алпамыс қонақ үйге кірді. Айтканша, қуаныш дастарқаны жайылып, алтын табақтар қолдан-қолға жүгіріп, шекер мәнен бал келді, қазы-қарта, жал келді! Гүлбаршын сұлу бұрала басып барып Алпамыстың оң жағынан отырды. Жай отырмай, нұрлы жүзін бұрып, аппақ тісін көрсете жымып, ықылас пейілмен қызмет көрсете бастады. Алпамыс пөн Гүлбаршының жарастықты жайлары жиналған қызбозбаланың көнілін судай тасытып, әзіл-оспақ, ойын-кулкі, өн-күй шаңырақтан шалқи көтеріліп жатты.

Ойын-сауық түннің бір уақытына дейін созылды. Үркөр жамбасқа ауып, Шолпан жұлдызының хабаршысында болып Есек қырған шақырая көтерілгенде, ел аяғын сиретті. Неше күндей жол жүріп, неше мың жаумен шайқасып, қындықты көп көрген Алпамыстың тынығуына мұрсат берді.

Қызбозбаланың сыңғыр құлкісі сейіліп, үй оңаша қалған соң Гүлбаршын мен Алпамыс бір-бірімен сағынышпен табысып еді... Сонымен Алпамыс батыр Шекті елінде жата берді. Жай жатқан жоқ, Сарыбайдың алдынан өтіп, ак батасын алып, Гүлбаршын сұлуға қосылды.

Отыз күн ойыны, қырық күн тойы болған соң, атына қайта мініп, атасы Сарыбайды сол елге хан сайлады. Бұл екі арада үш-төрт айдың жүзі болған. Ойға алғаны орындалып, көнілі жай тапқан соң, енді Алпамыс еліне қайтуды жөн көрді.

Батырдың бұл ниетіне Сарыбай да қарсы болған жоқ. Ел-жұртын жинап, игі жақсыларымен ақыл-кеңес құрып, қырық нарға зер артып, алтындағанотау көтеріп, қызы мен күйеуін шығарып салды. Сарыбайдың бұл жасаған сән-салтанаты көрген жанның көзін қуантып, көнілін өл-өлгеншे әлдилеп өткен еді.

АЛПАМЫСТЫҢ ЕКІНШІ САПАРЫ

Алпамыс артынып-тартынып ел шетіне тақалғанда, әкесі Байбөрі алдынан шыққан. Байбөріні бұлайша желпілдеткен жалғыз ұлдың жар сүйген қуанышы емес, жанын жегідей жеген қасірет күйігі еді. Осыдан бір апта бұрын еліне жау шапты. Қалмақтың Тайшық деген ханы қалың, қолымен шегірткедей қаптап келіп, Байбөрінің малын ойсырата бөліп, айдал кетті. Қашанда көшпелі елдің көнілі малына қарап көтерілген. Ен далада андай өрген байлығын Тайшық хан сыптырып кеткен соң, Байбөрі бір-ақ күнде мұсәпір бол қалды. «Мал ашуы мен жан ашуы бір», соナン соң да Байбөрі ызадан булығып, іші күйіп жүргөн. Тіптен баласы мен көлінінің ырғалып-жырғалған жағасы жайлау күйін көргендеге, одан сайын күйіп-пісіп, көкірегін кернеген қыжылын ақтара салып еді. Әкесін көріп, атынан түсіп, ізет көрсеткен Алпамысқа ақыра тіл қатты.

— Тұр былай жолымнан! — деді Байбөрі. — Малыма құрық, басыма сирек тиіп, дүшпанға таба болар сәтімді күткендей осынша неге жетістің! Көрінбесең етті көзіме. Бүйтіп соңымнан өрген тұяғым емес, бетімді қызартар ұттым болғанша, тумай кетсең қайтеді... Шымылдық, желбіретіп, жетісер жайым жоқ. Бұр атыңың басын. Тайшық хан алған жылқымның ізін сүйтпа. Қотыр тайын қалдырмай айдал қайт. Отының басына ойран салып, кегімді қайыр. Осы айтқанымды орында масаң, сол жақта пенде болып қала бер. Оған еш өкінбеймін. Әкесінің қатты сөзі Алпамыстың қабырғасын қайыстыруды. Қабырғасы қайыса тұрып, ашуға булықты. Ақ тілеумен аулына оралғанда, Тайшық ханың салған бүлігі жас жүргегіне кекті жара болып жабысты. Енді дүшпанның өз қылышын өзіне көрсетпесе, сол кекті жара жазылмайтындей.

— Ата! — деп саңқ етті Алпамыс, үнінде тәуекел еткен уыт бар. — Ақ батанды бер! Жер басып жүрсем, дүшпанға таба етпеспін. Тайшықты тайдай шыңғыртып, қойдай көгендеп, көгінді қайтарамын. Тілекті Тәнірім бермесе, пенде бол сонда қалармын. Бірақ артымда қалған өздерінде де

алаң болып тұрған жайым бар. «Жау жағадан алғанда, бөрі етектен» дегендей, осы Ұлтан құлдың пифылынан шошимын. Сапарым созылғандай болса, түбі содан көрерсіндер қорлықты.

Мұнан әрі Алпамыс алыс та ауыр сапарға аттануға қамданды. Жау жарағын сақадай сайлап, мұздай темір құрсанып, жортқанда жолым болсын деген ниетпен Байшұбардың мойнына тұмар тақты. Содан, бейсенбі күні бесінде үзенгіге аяқ салып, алты айлық жолдың шетінде жатқан Тайшық хан еліне атының маңдайын қаратты.

Осы кезде артында қалып бара жатқан ел-жұрты қойдай шұбырып, Алпамыстың жолына шығып, ашумен аттанғалы тұрған батырға бір тілек білдіріп еді.

— Ей, шырағым Алпамыс!—десті. көпті көрген ақсақалдар.— Алыс жолға жалғыз аттанып барасың. Осыңың жайы қалай болар екен? Жалғыздық құдайға ғана жарасқан, тіл алсаң, жалғыз өзің барма. Елінді жинап, көппен бірге бар.

— Уа, жұртым!—деп еді сонда Алпамыс.— Жалғыздың жары бір құдайболсын деген де сөз бар. Құдай жар болсын! Егер шынымен мағанжандарың ашыса, бір тілегіме құлақ салындар. Артымда ата-анам қалыпбарады, маған көрсеткен көмектерің болсын, сол кіслердің қас-қабағынақарапсыздар. Сонан соңғы айтарым, әйелім Гүлбаршынның ішінде жеті айлық бала қалып барады. Егер үл туса, атын Жәдігер қойыңыздар, жетімдіктен жаны жүдеп жүриесін. Басқа айтарым жок. Тағдыр қуанышпен қауышуға жазсын!

Осылай деп Алпамыс жүріп кетті. Ұзын жолға түскен соң, Байшұбардыңеті қызып, ауыздығын сүзе тартып, ұстарадай лыпылдады. Ойындыеті бұлтылдалап, қолтығынан тер шығып, алыса-алыса Алпамыстың қарын талдырды. Жүрген сайын ұзын жолдың апшысын қуырып, шапқан сайын ширай түсіп, алысты жақын ете берді.

Алпамыс алты айлық жолдың жартысынан өтіп, толқыны тайдай тулаған айдын көлге тап. болды. Жолсоқты болып келе жатқан соң, сұнының тұнығына қанып, шалғынын кешіп, тыныс алууды ойлаған. Сол ниетпен ат басын бұрып, тақалып келгенде, ақ жаулығы басында, ақ таяғы қолында бір кемпір ұшырасты. Алпамыс жақын келіп жөн сұраса,

кемпірдің көзінде жас, көнілінде мұн. Жас батырды көргенде, аруанадай азынаپ, бір топ шөңгелді құшақтап зар еңіреп қоя берді.

— Ау, жан шеше! — дед, жөн сұрады Алпамыс. — Мұнша неге жылайсың? Кімнен зәбір көрдің? Айтшы сырынды, қандай дүшпан болса да қайтарайын кегінді!

Сонда кемпір көзінің жасын сұрте тұрып тіл қатты:

— Жаратқанның құлағына зарым жеткен шығар, күткенім өзің едің, шырағым Алпамыс. Айтайын сырымды, шағайын мұңымды. Өз жүртүң болса да, Байсынның байтақ даласын жайланаған қай Қоңыратты білесің. Әкең Байбөрінің малын бағып, тілеулес болған шешенің бірімін. Тайшық ханның тәпкісі елінді есөңгіретіп кетті ғой. Менің азамат болған, атан жілік қырық ұлым бар еді. Несін айтайын, қырқы да бірдей нар еді. Қарынан құрығы тұспей, қар жастанып, мұз төсөніп, әкеңің қалың жылқысына қорған боп жүретін. Сол қырық ұлымды бірдей Тайшық ханның тобыры қырып кетті. Соңдарында сор маңдай болып қырық келінім қалды. Көзімнен қанды жасым ағып, қуарған мыстан болып мен қалдым... Енді, міне, жолына тілеу тілөп, алыс сапар үстінде бір тыныс алып өтсінші деп, алдыңнан шыққан жайым бар. Мына қырдың астында, қырық отауды күнірентіп, женғелерің отыр. Атыңның басын бұрып, ауыздығын алып, бірер күн женғелеріңмен ойнап-күліп, дем алып аттан.

Батыр да болса, көргенінен көрмегені көп, албырт Алпамыс кемпірдің сөзіне дұғадай ұйып еді. Көніліне еш күдік алмай, жас жаны жабығып, қарт ананың қаяулы көнілін жұбатуға бел буған. «Шығасыға иесі басшы болады» дегендей, Алпамыстың көрер бейнеті, тартар азабы осы бір сәттен басталып еді. Айдалада кездескен жалғыз кемпір — сол бейнет пен азаптың тұзағын құрушы мыстан болатын. Ал бұл мыстанды айдал салып, жол торытып қойған Тайшық хан еді.

Алпамыс: «Иә, сәт!» — деп, атқа қонып, елден шыққан күні Тайшық хан тұс көрген. Тұсінен жаны түршігіп, жамандықтың хабаршысындағ қабылдап, аяқ астында ел-жүртүң апыр-топыр жинап алған. Жинап алып, көрген тұсін айтқан. Мұнысы тұсін жорытқаны өмес, сол тұсіне шығар күндей сеніп, тақалған қатерден құтылар айла іздегендей әрекет еді.

— Уа, жарандар! — деген Тайшық хан. — Сөзіме құлақ салындар. Бүгін бір жаман тұс көрдім. Мына жарық дүние тарылып, тарының қауызына сиярдай күн туған екен деймін. Жамандықтың нышанын жасап, құрсаулы қара нарым өзіме қарсы қарап шабынады. Есімді жиғанша болмады, арыстандай айбатты, жолбарыстай қайратты бір жас батыр жалаңдалап келіп, ел-жүртіма бүйідей тиді. Қаламды шаңға көміп, қақпамды құнға малды. Басымнан тәжімді, бауырымнан жарымды тартып алды. Айдарлымды құл қылды, тұлымдымды тұл қылды. Ел-жүртімның тоз-тозы шыққан соң, қабырғам сөгіліп, қасірет шегіп, еңіреп жүр екенмін деймін...

Бұл айтқаным тұс болып қана қойса, мұнша түніліп-түршігер ме едім. Кешегі Жиделібайсын даласын жайлаған қалың Қоңыраттан түре қуып келген жылқыға жоқтаушы шыққан секілді. Сол елде шұбар аттылы Алпамыс деген жас берен бар деп еді. Қартайғанда қу журегім жаңылмаса, сол жас батыр атқа мінген секілді. Құлағыма шұбар аттың дүбірі келгендей...

Ау, жүртім, қайтпек керек?! Алдынан шығып, қол қусырып, жылқысын қайырсақ, айыбым деп, қызыымды берсем, шыбын жанға сауға болар ма!

Көзге көрінген қатер болмаған соң, жиналған жүрт Тайшықтың тұсін жақсылыққа жорып: «Е, тақсыр, тұс тұлкінің боғы болады, қорықпаңыз, еш нәрсе етпейді!» — десіп қауқылдасқан еді. Бірақ Тайшық райдан қайтпаған. Жүзі қуарып, қабағы түйіліп, айтқанына дауа болар айла күткендей отырып қалған. Осы кездे сол елге жаманшылығымен мәлім болған, жасы үш жүзге жеткен, бір кез ширек бойы бар, адам таппас ойы бар бір мыстан кемпір Жиналға н жүртты елең еткізіп тіл қатқан.

— Хан ием, — деп еді мыстан, — сіз өзіңіз хан басынызбен дүшпанға жалғыз қызыныз Қарнакөзді беремін дөүініз қалай? Онан да дүшпанның еріне қыз беріп қор болғанша, өз еліңнің құлына беріп зор бол. Менің басы таз, балтыры қотыр ұлым бар, Қарнакөз аруды сол балама қос. Ал мен дүшпаныңды байлап-матап, табаныңның астына салып берейін.

Тайшық хан бұл сөзді жөн көріп өрі мыстанның айласына сеніп, дүшпаны табан астына түсер болса, қызын беретін болып уәде жасаған. Мыстан кемпір болса, сол күні дереу жолға қамданған. Ол үшін ханның қызы Қаракөз аруды бас қылып, қырық қыз таңдап, қырқын да келіншекше киіндіріп, басына жаулық салып, өрқайсысына бір-бір отау көтерткен. Бұған қоса қырық шөлмек арақ алып, Алпамыстың жолын торуға асығыс жүріп кеткен. Жаңағы айдын көлдің жағасында Алпамыс батырға мұнын шағып, зар өніреген бейбақ, міне, осы мыстан кемпір болатын. Әрине, мұны білген Алпамыс жоқ. Жас жүргегі елжіреп, қорғансыз қарияға қамқор ниетпен құрақ үшып, Байшұбарын көлденең тартып еді. Осы кезде адамнан есті жалғыз серігі — Байшұбар мыстанның әрекетінен бір белгі берген. Үстіне мінбекші болып онтайланған кемпірді қос аяқтап теуіп жіберсін. Кемпір есінен танып құлап түсті. Бірақ көн боп қытып алған сірі жан пәле кешікпей-ақ есін жиып, ербиіп басын көтеріп, Байшұбарды жамандай жөнелген.

— Шырағым, Алпамыс-ау! — деп мыстан кемпір аярлана тіл қатты. — Мына мініп шыққаның сырты тұкті, іші бокты жабы екен ғой! Ойбай-ау, сендей жалғыз жабыны жауға міне ме екен! Ара күндік жол жүрсе, аяғынан ақсайтын, алдыаспанды суырсан, жау жеріне тастайтын — нағыз жауың осы болмақ. Қарағым, Алпамыс, елге қорған болсаң да, еркелігің қалмапты ғой. Тілімді алсаң, бұл шұбардың басын кесіп таста. Ертеден салсан, кешке озар, етектен салсан, тәске озар қазанат тауып берейін, Шұбар аттың қылығын шелкестігі деп үққан Алпамыстың ойына мыстанның сөзі шоқ салып үрлекендей әсер етіп еді. Демде лып етіп, ашуشاқырған жас батыр жарқ әткізіп қылышын суырып алды да, астындағы қыл қүйрықтың қаз мойнын нысана етіп шауып жіберді. Жалғыздың жары — Құдай, осы тұста бір ғажайып іс болды. Алпамыстың қылышы жел үрген жапырақтай жалт етіп, қара жерді қапты. Мыстан кемпір бұл тұста да айла тауып, Алпамысты алдарқата шақырып, асықтыра жөнеліп еді. Алдыға түсіп, бүкендей жүгіріп бара жатты.

Мыстан кемпір алдыда, Алпамыс артта. Мыстан бүкендей жүгірген күйі шақ-шақ етіп сөйлеп келеді.

— Уай, өңшөң шұнақ қар! Қырқың бірдей қайда құрып кеттің?! "

Алпамыс келеді, Алпамыс! Табалаған дүшпанды табандарыңа салып береді. Алыс жолға аунап-қунап аттансын, жайылып жастық, иіліп тәсек болыңдар. Шығыңдар сыртқа тезірек!

Бір елдің ішінен Қаракөз айымды бас етіп сүзіп алған өңшөң ақмандаған ару қырық отаудан жүгіре шыққанда, Алпамыстың алдына сұлу қыздарды шашу етіп шашқандай болып өді. Өңшөң перизат шапыр-шұпты болып, шуылдаса жүріп, Алпамысты ақ кілемге түсіріп алды. Бірінен-бірі асқан қырық қыз қылымси күліп, қымсына жүріп, жас батырға кезек-кезек қызмет көрсөтуде. Алпамыс болса, албырт көнілі судай тасып, қүлім көз арулардың ықылас-пейілін тамашалап тояр емес. Мыстан кемпірдің өбден шегелеп, үйретіп тастаған ақылын қаза етпестен қызмет көрсеткен қырық қыз да еш сыр берер емес.

Тек қана Қаракөз ару Алпамысты бір көргенде-ақ жас жүрегі өрекпи соғып, бөлек бір сезімге шырмалғандай болған. Осыдан кейін өз қылышының оң-терісіне мән берместен Алпамыс түскен отауға үш рет кіріп шықты. Дәл қазір Қаракөз сұлу дүниенің бәрін ұмытып, осынау ойда жоқта ұшырасқан жас батырдың тілеуін тілеп кеткендей қүйде өді. Алпамыс та Қаракөздің таң алдында дара туған Шолпан жұлдызындаи ерекше жаратылышына таңырқай көз салған. Сонымен, Алпамыстың көнілінде тарыдай күмән жоқ, алдына келген асты алып, аузына тосқан арақты ішіп, жата берді. Бір-екі рет мыстан кемпірдің өзі келіп, аяр құлкімен алдарқатып, арақты баса құйып кеткен.

Ұылжыған жас батырдың тәнін улау қыын ба, кешікпей-ақ ірге түріліп, Алпамысты желпінте кеу-кеулеп қыздырып-ақ тастады. Осы кезде ханның қызы Қаракөз шыдай алмай, Алпамысқажанасқан болып, шымшып кетіп өді. Құ мыстан мұны да жаза жіберген жоқ.

— Эй, шайтан, түсіндім ниетінді, жолама бұған! Енді бүйтсең, барған соң әкеңе айтып, сорынды қайнатармын! — дәп, жыландай ысқырыпқуып тастаған.

Бұл кезде алдарқатып баса ішкізген арақ Алпамыстың буынына түсіп, өбден масақ тартып, ұйықтап кеткен өді. Мыстанның күткені де осы болатын. Дереу қырық қызды шоқтай үйіріп, қырық отауды

жықтырып, Алпамыстың үстінен үйді де, от қойып жіберді. Ханның ен, тегін мұлкін аясын ба, өңшен асылға малған қырық отау дүрілдей жөнелді. Басы мыстан болып, қырық қыз шуылдаса қуанды. Сандарын шапақтап, от айнала ербенде, албырт батырды келеке етті. Тек патшаның қызы Қаракөз ғана қыршын жасқа қабырғасы қайыса мұнайып, ақ жүзі күн жеген шүберектей қуарып, көзінің жасын ішке жүтқандай қүйде еді. Көз алдында Алпамыстың өр тұлғасы елестеп, көнілі құлазып тұрды. Тәбе болып үйілген қырық отаудың будақтай көтерілген тұтіні тұстік жердегі Тасты қаласына бірден көрінген. Мыстаннан айла артылған ба, бұл қалада жасырынып жатқан қалың өскер тұтінді көргенде, атқа қонбақшы болып уәде берген.

Сол уәде бойынша лап қойған нәпір қол өртенген отау шоқтанып үлгермей-ақ сау етіп жетіп келді. Келген беттерінде аттарын қаңтара салысып, Алпамыстың күл болған денесін көруге асығып еді. Шоқайнаның сөнгенине де шыдамастан, қалың қоламтаны аршып көрсө, о, ғаламат!

Алпамыс балбырап үйиқтап жатыр. Мұны көрген қалмақ жігіттерінің таңданысында шек болмады. Кейбіреуі шыдай алмай, күрекпен шоқты көсіп алып, Алпамысты қайта көмбекші болып еді, жайнап жатқан қоламта батырдың денесіне тақала берсе, күл боп кетеді. Бұл жағдай қалмақтардың жүргегіне үрей үялатып, жас батыр оянбай тұрғанда, дереу байлап тастауға асықты.

ТАЙШЫҚ ХАННЫҢ ОРДАСЫНДА

Алпамысты байлап-матап Тайшық ханның ордасына алып келгенде, батыр өлі шырт үйқыда еді. Тақ үстінде оқшырайып отырған Тайшықтың алдына үйқыдағы жас батырды тақалтқанда, патша ішегін тартты. Ол қазіргі сәтте Алпамыстың алып тұлғасынан немесе айбарлы кейпінен шошып ішек тартпаған. Оның үрейін алған — өткен жолғы түсінде көрген, ел-жүртіна қырғидай тиген шұбар аттылы батырдың дәл осы екені еді.

Ханның әлем-тапырақ ойын мыстан кемпірдің шақ-шаш өткен даусы бөліп жіберді:

— Хан ием, қырық отауың бес күнгі жиған несібен ғой, құрбан еттім. Оның есесіне берген уәдемнен шығып, дұшпаныңды табаныңа әкеп салғанымды көрмейсің бе?

Тайшық хан бұл сөзге самарқау ғана мойын бұрып:

— Көріп отырмын... көкейінді тескен берген уәдем шығар, асықпа, — деді. Соナン соң, қолын киелі асаға тигізіп отырып, жарлық айтты. Жарлық бойынша, патшалығына қарайтын қырық қақпалы қаласының, халқы жиналу керек болды. Әп-сәтте керней-сырнай тартылып, дабыл қағылып, кешікпей-ақ қалың жұрт құмырсқадай құжынап кетті. Бұлардың ішінде бір өзі самсаған жаумен жалғыз шайқасатын небір жалаң төс батырлар да бар еді.

Ханниң күткені де осы болатын. Көп ішінен жар салғызып жүріп, кілең сайдың тасындар, сайыпқыран батырларды іріктетіп алды да, үйықтап жатқан батырды өлтіріндер деп өмір берді.

Жалаңдалап тұрған қалмақ батырларының тілегені сол сияқты, жапыр-жұпыр қимылданап кетті. Дәл осы кезде Ғайып-ерен қырық шілтен көзге көрінбес құдірет сауыт болып, Алпамыстың денесін құрсақ алып еді.

Қалмақтар шүйіле ұмтылған бетінде Алпамысқа қылыш шапты — өтпеді, найза шанышты — кірмеді. Түп зенбіректің үнірейген көмейін үңілтіп келіп, онымен де атты — бәрібір былқ еткен жоқ. Тіптен, үйқысы да бұзылмады.

Енді батырлар ғана өмес, ханның өзі көзі шарасынан шығып, сасайын деді. Үрей үстінде өткендегі түсі тағы да көз алдына келіп, әбден берекесі кетті. «Бұл бәле оянып кетсе, сол жолғы көргенім түсім өмес, өнім болып сорлаймын-ау!»—деген Тайшықтың кәрі жүрегін өрекпітіп, тордағы торғайдай тыптыратып еді.

Осы оқиғаның бәрін күн ұзын көзі көріп, іштей Алпамысқа тілеулес болып жүрген Қаракөз оеви бір сәтте батырды құтқаруды ниет етіп еді. Ол әкесінің алдына келіп, иіліп тағым өтті де, тіл қатты:

— Әке, бұл батырдың басына зауал шақты мен тудырайын. Тек маған жеті күн, жеті түн мұрсат беріңіз. Жаныма мыстан шешемізді қосыңыз,— деді.

Осы кезде мыстан тағы да шақ ете қалды.

— Жоқ, хан ием, қызынның ниеті бұзық. Мұны Алпамыстың алдынан шыққанда көрсеткен қылыштарынан сезгемін-. Алма тілін! Мыстанның бұл сөзі Тайшық ханды дал қылды. Ойы онға бөлініп, бір өзінен басқа сенбейтін күйге түсті. Сол халде түнере ойланып отырған Тайшықтың есіне өзінің арнайы қаздырған шыңырау зынданы орала кетіп еді. Сол-ақ екен, ханның өңсесі көтерілі-п, бір тығырықтан шыққандай күрсіне дем алды.

Кешікпей-ақ үйқыдағы Алпамысты аузы сырнайдай тар, түбі арқан бойламас шыңырауға тастауға бұйырды.

Алпамыс бұл кезде де үйқыда еді. Түбі тастақ, шақатты келген зынданға домалата тастап жібергенде, зенбіректің оғындарай заулап жөнелген. Бірақ «Жалғыздың жары — құдай» деген рас қой, жас батырды тағы да Ғайып-ерен қырық шілтеп орта жолға жеткізбей қағып алып, қауырсындей қалқытқан күйі шыңырау түбіне жамбасын тигізген. Алпамыс мұны да сезген жоқ.

Бұл кезде жер бетіндегі көп қалмақ көнілін демдеп, Тайшық хан болса, Алпамыстың Байшұбарына қызыға көз салып отырған. Мұндайда

ханның қас-қабағын баққан нөкерлөрі қарап тұрсын ба, дереу Байшұбарды Тайшықтың алдына көлденең тартуды ниет етіп еді. Бірақ Байшұбар осы сәт танымастай мінез көрсетіп, алдына келгенде тістеп, артына келгенде теуіп, тірі жанды маңайына жуытпады. Нәбір ат құлағында ойнайтын атан жілік өрлер түрлі айла-шарғы жасап көріп еді, шұбар ат бірін-біріне соғып, сарсанғ салды.

Бұл көрініс, әрине, Тайшықтың секемшіл көңілін тіксінтіп, түрлі ойлар жаңын жегідей жеді. Соナン соң, дереу ел ішінен нелер бармағы майысқан шебер мен темірді нанша илеген ұсталарды шақыртып, аз күнде ені жеті кез темір үй соқтырды да, Байшұбарды сонда қаматып таstadtы. Жай қаматқан жоқ, алтасына бір бau шөп беріп, он күнде бір шелек сумен таңдайын жібітіп, әбден титықтатып көндіруді ниет етті.

Алпамыс пен Байшұбар осылайша бір жайлы болып, Тайшық ханның көңілі орнықты-ау дегенде, хан ордасына міндетси басып, мыстан кемпір щрген. рның міндетситін реті де бар. «Уәде — серт» деген, оның үстіне хан аузынан шыққан сөздің екіүшты болуы мүмкін емес. Мыстанның өндігі ойы — басы таз, балтыры қотыр ұлына Қаракөздей аруды қосып, ханмен сүйек болу еді.

— Құлағым сенде, мыстанным!—деді Тайшық хан. Үнінде іштей ытырынған салқындық бар.

— Е, хан ием!—деді аяр мыстан.—Дүшпаныңды табаныңа салып, басыңнан қауіп бұлтын сейілткен жанға құлақ салғаның жөн-ақ. Хан жарлығы екі емес, уәденің орындалуын сұрай келген жайым бар. Айыбы -- басы таз демесен, балаңнан балам кем деп ойламаймын...

Хан осы кездे жақтырмаған шыраймен ырғала бір қозғалып алды да, мыстанның сөзін бөліп кетті:

— Ау, мыстанным, сөзді созып қайтесің! Уәдем — уәде. Жақсылығыңа — жақсылық жасаудан мойын бұрап мен жоқ. Оны айтасың, іштен шыққан баланы қиғанда, осынау ен дәuletімнің именбей бөлісері өзің болғаныңды қалаймын. Тек сенен сұрап мәулетім бар. Қаракөз айым он бір жасқа биыл шығып еді. Жиырмаға келгенше туған ошағының басында болып, көктемдей келте қызығын еркін өткерсе

деймін. Тоғыз жылды өтіп, аттай жиырмаға толғанда, той-томалағын жасап, қолыңа табыс етейін.

Тайшықтың бұл сөзіне өбден риза болған мыстан енді хан ордасынан күпініп, желбуаз көнілі көкке жеткендей 'болып кете барды...

Жер бетіндегі көніл жайланаған тіршілік мұнданай болғанда, жер астындағы шынырау зынданда жатқан Алпамыс жас тәнін улаған арақтың зәрі қайтқанда бір-ақ оянған. Қөзін ашқан бетінде орнынан жүлкүна тұрса, айналасы — тас қамау. Қуықтай тар шыныраудың шырқау биігінен иненің жасуындаи болып қана саңылау көрінеді. Өткен жайды көргөн түстей есіне алған жас батыр өзінің тұзаққа түсіп, андаусызда шоқ басқанын білді. Білді де, қабырғасы қайыса өкініп, шарасыз халі жанын жасытып, көзіне жас алып еді.

— О, Тәңірім,— деді Алпамыс өзімен-өзі шынырау тубін құнірентіп.

— Тірідей көрге көмгендей не жазып едім. Ата-анамның көз жасына шыққан жалғыз түп ағаштың басындағы қос алманың бірі Қарлығаш болса, бірі мен едім. Соның сыңарын көктей солдырығың келсе, не шара. Өзекті пендеге бір өлім, ажалдан қорқар жайым жоқ... Тек су сұрасам, бал берген, жая десем, жал берген анашымның ақ сүтін ақтай алмағаным өкінішті.. Тай құлындаи тебісіп, бір өмшекті тел өмген қарындастым Қарлығаштың қызығын көре алмағаным қабырғама батады... Қайтейін... Аңғалдығыммен жасағанымды -ауырсынбай көтеруден басқа шара жоқ...

Осылай деп зарланып, қасірет күйін тартып отырған Алпамысты әлдөнене елең еткізді. Ес жиғанша болған жоқ, түнек зынданды бір сөуле осқылап, қою қараңғылықты ығыстырғандай болды. Алпамыс мұны жақсылықтың нышаны деп қуанып, тәу еткені сол еді, бір мысық ғайыптан жаралғандай алдынан шығып, пырылдай жанаса берді. Жай мысық өмес, аузына тістеген бір таба наны бар. Онымен қоймай бұрала ойнап, жас батырдың қам көнілін аулағысы келгендей, небір таң-тамаша қимылдар көрсетеді.

— Е, тәңірім!—деді Алпамыс, — құдіретіңе ризамын.

...Осымел құндер өте берді. Әр құнді қаза жібермей келіп тұрған мысық Алпамыстың жер астындағы жалғыз серіп әрі асыраушысы

болып алды. Мұның бәрі де Алпамысқа қамқор болған Ғайып-ерен қырық шілтеннің тарапынан болып жатқан ғажайыптар еді. Сонымен, Алпамыс зындаға тасталды, Байшұбар темір сарайға қамалды. Тайшық пен мысттан құда-құдағи болып, көнілдерін орнықтырды. Мыстанның кембағал таз ұлы болса, ханға күйеу бала болғанын өзінше дәреже санап, бұрынғыдан әрман өсіре түсті. Көрінгенге бүйідей тиіп, үлкен-кішімен тасыранდап ойнап, әңгүдік мінезімен ауыл-үйді әбден ығыр етті. «Аузы қисық болса да байдың ұлы сөйлесін» дегендей, ханға күйеу бала болған соң, ел-жұрт есер тазға деген қыжылын сыртқа шығара алмай, іштен тынатын болды. Бұл жағдай бәрінен де бұрын, өсіресе, бейкүнә Қаракөздің қабырғасына қатты батушы еді. «Құдай-ау, Құдай!—деп, онашада көзінің жасын сығып алатын.— Шынымен-ақ бар ғұмырым мыстанның миғұла баласымен қосақталып өтер ме еken!» Бұл ойдан Қаракөздің жас жаны түршігіп, уайымнан уыз өні ағара жүдеп, қатты қамығатын. Бір күні Қаракөз ару өзі тенденс құрбыларымен өзенге шомылып жүр еді, топты қызды шу еткізіп, қойға шапқан қасқырдай арсаландап мыстанның таз ұлы жетіп келді. Келді де, ештемеде жұмысы жоқ, тап бір осы қыздардың бәрімен бұрыннан жақын адамдай қымындал, қотыр тайлақша сүйкене тиіссін. Ойыны қандай дәрекі патшағардың. Алғашқыда тіксініп қалған қыздар бұл бәледен құтыдмасын білген соң, «жездеке» деп ойнай-барымталап алып соқсын. Онымен де қоТимай, түйебас қылып түйгіштеп, таз кепесін сыпрып тастап, әбден келеке етіп еді. Осы оқиға Қаракөздің намысына шоқ болып түсіп, жас та болса бір тәуекел ойға бел буып еді.

Сол ниетпен Қаракөз ертеңінде әкесінің алдына барып:

- Әке, бір тілек сұрай келдім,— деді.
- Айта ғой, шырағым,— деп, Тайшық хан да қызына әкелік мейіріммен тіл қатып еді.
- Алдында асқар таудай өзіңіз түрғанда, еш нәрсені уайым етпеймін, әке. Бірақ жас та болсам, қыз баланың қызық дәурені қызғалдақтай ерте солатынын да білемін. Сондықтан ақ батаңызды алып, құтты жеріме қонғанша, еркіндікте өзімше бір сайран құрсам деп едім. Ол үшін жаныма қырық қыз нәкер берсөніз, алдымызға ермек үшін

жұз серке салып берсеңіз. Ол серкелерге бас-көз болуға Кейқуат қойшыны босатсаңыз. Сонда, ен далада, әсем табиғат аясында құстай еркін дәурен сүріп, тоғыз жыл өткенде қайтып оралар едім. Өзің лайық көрген жерге басымды иіп барап едім. Бар тілегім—осы. Тайшық хан қызының бұл сөзінен ешқандай оғаштық көрmedі. Қайта хан қызына лайық бөлек бір салтанат танығандай ризашылықпен келісімін берді. Кешікпей-ақ хан жарлығымен ақ отаулар сайланып, қырық қыз нөкер таңдалып, Қаракөз ару жолға шықты. Соңдарынан мүйіздері қарағайдай жұз серкені буындарын сыртылдата айдан Кейқуат ілесті.

Сол бетінде елсіз-күнсіз жердегі табиғаты құлпырған ен жайлауға келгенде, бір айна бұлақтың басына тізгін тартып, қоныс тепті. Сол жерге жұмыртқадай отауларын көтеріп, ойын-сауықпен алаңсыз ғұмыр кешіп жатты. Қаракөздің осынау шалғай шеттегі онаша өнірді таңдауында өзіндік сыр бар еді. Осыдан біраз жыл бұрын әкесі Тайшық хан арнайы жасақ шығарып, осы маңнан шыңырау зындан қаздырған. Мұнысы хан ордасында сол кезде сөз болғанымен, дабырасыз құпия күйінде сақталатын. Алпамыс батырдың сол зынданға салынғанын Қаракөз жақсы білетін. Бірақ шыңырау зындан ен даланың қай жерінде, қандай қалтарысында екенін анық білмейтін. Енді, міне, әкесінен тоғыз жыл мәulet сұрап, өзінше салтанат құрып, шығанға шығуының сыры — сол зынданды тапса, Алпамысқа шапағаты тие ме деген ниет еді. Қаракөздің ықыласын аударып, мұншалықты қамқор қылған жағдай — жас сұлудың қазақ батырына деген аяулы сезімі, айнымас махаббаты болатын.

Осылайша Қаракөз арудың екі көзі төрт болып, ен даланы ине жоғалтқандай тінтіп, құпия зынданды іздеген күндері басталды. «Отыз тістен шыққан сөз отыз рулы елге жайылады» дегендей, бұл ниетін қасына ерген нөкер қыздарына да сездірмеді. Ертелі-кеш өз мұнын өзіне шаққан болып, онаша серуен құрады. Онаша серуен құрған болып, әр бұтаның түбін, әр тастың қалтарысын тінтелді. Бірақ ханның жырынды жасағы қазған жасырын зындан таптырысын ба, онайлықпен таптырмайды ғой, таптырмайды. Мейлі, апталар, айлар, керек десен,

жылдар өтсін, Қаракөз сұлудың жас жүргегінен үміт оты сөнер емес. Үміт шіркін кеуденде шыбын жаңың барда үзілмейді өкен ғой...

КАРАКӨЗАЙЫМНЫҢ ДИУАНА БОЛУЫ

Арада аттай жеті жыл өтті, Алпамыс жатқан құпия зынданды Қаралған сұлу таба алмай-ақ қойды. Бірақ атар таңын үмітпен атырып, бір сәт күдерін үзген жоқ.

Күндердің бір күнінде Кейқуат өдептегідей серкелерін соныға жайып, өріс ауыстырған еді. Бұл кезде, ен жайлауда өркін жайылған серкелер кішігірімжылқыдай болып серейіп, өбден семіріп алған. Ешкі малының ежелгі өдеті — жілігіне май бітсе, жардан секіріп ойнайды. Сол өдетпен бүгін де өрісте кездескен төмпешікті төңіректеп, бірін-бірі сүзіп, асыр сала секіріп кетпей қойған.

Малшы үшін алдындағы малдан басқа өрмек жоқ. Кейқуат та серкелердің сүзіскенін қызықтап отырған. Кенет... кенет көз алдындағы қоспақ мүйіз көк серке бақ ете қалды да, суға батқандай жоқ болды. Үрейі үшқан Кейқуат жалма-жан жүгіріп келіп қараса, қазан аузындағы болып үнірейіп жатқан шыңырау зындан.

Малшы да болса Кейқуат өл ішінің жағдайына құлақ түріп жүретін. Алпамыстың осы өнірдегі құпия қазылған зынданға тасталғанын естігені бар. Қазіргі сәтте аяқ астынан қарая үнірейген шыңыраудың ішінде Алпамыстың жатқанына өш күмәні жоқ еді. Алғашқыда өзінен өзі тіксініп,

Алпамыстың ел-жүртқа әйгілі алапатынан шошып қалды. Бірақ жеті жыл зынданда жатқанда, дәл қазір қайдан шыға келсін деген ой көнілін орнықтырды да, шыңырау ернеуіне тақала түсті.

— Ей, Алпамыс! — Кейқуаттың даусы зындан ішін құнғірлете қуалап кетті... ...Бұл кезде Алпамыстың қуанышында шек жоқ еді. Жеті жыл бойы нан тасыған қоңыр мысықтан басқа тіршілік иесін көрмеген, енді, міне, ойда жоқта өзінің атын атаған адам даусы көнілінен үмітке қоса қуаныш үялатып үлгерген.

— Ау, бұл қайсың? — деді Алпамыс. Даусы жарықшақтанып, зындан ішін жаңғырықтырып жіберді.

— Менің атым — Кейқуат. Қаралғанда серкелерін бағушы едім. Мына кебенек келгірлердің бірі түсіп кетті, шыныменен Алпамыс болсаң, шығарып . берші.

Алпамыс Кейқуаттың бұл сөзінен арнайы құтқаруға келмегенін, ойда жоқта тап болғанын білді. Сонан соң ойланған отырып тіл қатты.

— Кейқуат, — деді ол, — сені маған құдай кез қылған шығар. Тілімді алсаң, күніне серкеңнің біреуін беріп, мени бағып-как. Амандық болып шыңыраудан шықсам, өзімнен бұрын сені мұратқа жеткіземін.

— Өйдөйт дерсің! — деп Кейқуат қыжырта күліп алды. — Жеті қат жер астында жатып мениң қамыымды жегенше, өзіңнің өлмес күнінді ойласаң еді... Тапқан екенсің ақымақты... «Өлі арыстаннан тірі тышқан артық» деген, сенің бұл күнінді өзіңе көп қылайын Кейқуат шынымен-ақ ашуланып, зындан аузында жатқан диірмен тасты итеріп жіберсін. Ауыр тас шыңырауды бойлай заулап жөнелді. Бірақ Алпамыстың құдіретін Кейқуат дәл осы сөт өз көзімен көріп еді.

Жұлдыздай сорғалап келе жатқан диірмен тасты Алпамыс қағып алып, кері лақтырған. Атқан оқтай зу етіп зындан аузынан шыққан тас Кейқуаттың басынан асып барып, анандай жерге дұңқ ете түсті. Кейқуаттың көзі бағжаң етіп, зәресі ұшып кетті. Аздан соң қорқынышын баса отырып, ойға қалды.

«Шынында да, бұл тегін жан емес екен, — деп ойлады, — жеті жыл жер астында отырғандағы тегеуріні мынадай. Азат ғұмыр кешсе, қандай болмақ! Мұндай асыл өр екі сөйлемейді деуші еді ғой... Бөрібір мен қимайтындей бұл тіршілігімде не рақат көріп журмін. Малмен бірге өріп, бірге жусаған тірліктің несі қымбат дейсің... Тәуекел, осының айтқанын қылайын, өлсем, өкініші жоқ өмір ғой, өлмесем, жақсылығын көрермін». Кейқуат осы оймен тәуекел етті де, Алпамысқа уәдесін берді. Уәде бойынша, күн сайын осылай қарай серкелерін өргізіп шығып, бір-бірден тастап кетіп отырды. Жұз күн деген немене, өненің дегенше өте шықты.

Жұз серке де таусылды. Осы кездे Кейқуат:

— Ал, Алпамыс, серке таусылды, өндігі тірлік не болады? — деп сұрады.

— Қам жеме, Кейқуат,— деді Алпамыс,— мен серкелердің мүйізі мен қабырға сүйегінен сырнай істеп қойдым. Сен сол сырнайды қыздарға естірте тартатын бол. Әрине, мұны қайдан алдың деп сұрайды. Сонда қыздарға сездіріп алмай, тек қана Қарнакәзайымға айтарсың.

Көлер күннің қандай сыбаға тартарын Кейқуат білмесе де, Алпамыс батырдың алысты ойлаған ақылына еруді жөн көрді.

— Макұл, Алпамыс, айтқаның орындалады,— деп, уәдесін берді де, ғажайып сырнайды сарната тартып үйге қайтты.

Есіз далада жеті жыл қаңғырып Қарнакәздің соңынан ерген Кейқуат кейде бұл тірлігіне ыза болатын. Мұнысы несі екен деп таңданып та қоятын. Енді, міне, бұл мінезінің сырын түсінген сияқты. Қарнакәзге орайын тауып сырнайдың жайын сездіруі мұң екен, ханның қызы қуаныштан қолды-аяққа тұрмады. Біресе күліп, біресе жылап, біресе жалынып, зынданды көргенше, тағат таппады.

Кейқуат та көргіп, жеті жылғы сергелденінің есесін дәл осы сәт қайтарып алғысы келгендей бұлданып бақты. Тіpten былай шыққан соң: «Шаршадым, арқаламасаң жүрмеймін», — деп қиғылық салды. Қарнакәзайым бұған да көнді. Содан Кейқуаттың өбден ойыны қанып, қалжырап шаршаған кезде Алпамыс жатқан шыңырауды өзөр көрсетіп еді. Аңсап, зарығып жеткен Қарнакәз алдымен тіл қатты.

— Алпамыс, бармысың?!

— Бармын.

— Бұл күнге жеткізген тәніріме мың да бір шүкірлік. Сенің жолында жүргеніме жеті жыл болды. Таптым-ау, әйтеуір,— Қарнакәз өзінің егіле сөйлегенің оғаш көргендей бөгөліп барып, қайта тіл қатты,— оның несін айтайын, онан да сені қалай шығарып аламын, ақыл бер маған.

— Сен мені шығара алмайсың. Шұбар атым қайда?

— Атың өкемнің қолында, жеті кез темір үйде қамаулы. Күзеті де қатал, мен ол үйге жақындаі алмаспсын.

— Оның бір ақылы бар,— деді Алпамыс,— сен мәнің жеті жыл терім сіңген қамзолымды ішінен киіп ал, шашыңды түй, сонан соң диуана болып барып, орайын тап.

Бұл сөз Қаракөзайымның көкейіне қона кетті. Кешікпей-ақ, Алпамыстың терісінді қамзолын ішінен киіп, сыртынан диуанаға лайық, киімдер киіп, қолына аса таяғын ұстап жүріп кетті. Сол бетінде хан ордасына барып, Байшұбар қамалған темір құрсауды екі-үш рет айналып өді. Айналған сайын жел жағына шықса болды, шұбар ат осқырынып, жер тарпып, темір құрсауды құңгірлетіп жіберді. Жануар, бір мезгілде өбден шыдамы таусылғандай арқырап бір кісінеп алды да, құрсаудың күл-талқанын шығарды. Күзетші қалмақтар бұл шұбарға не болды дәп, зәрелері ұша тым-тырақай қашты. Байшұбар болса, темір құрсаудан құтылсымын, оқырана шүркүрап диуана Қаракөздің жанына келді де, қолтығына тұмсығын тықты. Алпамыс иесінің иісіне де зар болғандай, өбден сағынып қалыпты. Маңайына тірі жанды жуытпай қойған Байшұбардың бұл қылтығын көргендеге, Тайшық ханның таңданысында шек болмап өді.

— Ей, Диуана!—деді Тайшық хан,— сен Алпамыстың өзімісің, жоқ әлде көзімісің?! Мына шұбар ат неғып саған үйіріліп қалды?

— Хан ием-ау, Алпамыс менен он есе үлкен емес пе!—деді Қаракөз, даусын да танымасын деп, қасақана өзгертіп шығарды.— Бұл шұбардың маған үйірілетін реті бар. Ілгеріде Жиделібайсын жерін жайлаған Қоңырат елінде болғанмын. Сонда осы шұбар ат құнан өді, өзіне ит тиіп ауырып, өлім халінде жатыр екен. Мен үшкіріп жазып кеткенмін. Жылқы малы есті ғой, жануар, енді, міне танып, мұңын шағып тұрғаны ғой.

Тайшық хан қарсы алдындағы диуана болып келіп тұрған өз қызы Қаракөз екенін сезген жоқ. Тіптен диуана-Қаракөздің айтқанына еш күмәнсіз сеніп, басқаша шырай танытып өді.

— Олай болса, — деді Тайшық хан, — осы шұбарды үйретіп бер. Сені бізге құдай айдал келген шығар.

— Мақұл, айтқаның болсын. Тек мұндағы пырақты үйрету үшін маған қырық арқан, қырық қойдың құйрығы және Алпамыс батырдың қару-

жарағы керек. Соナン соң жеті күн мұрсат беріңіз. Сегізінші күн дегенде көшеге шықсаңыз, бұл шұбарды алдыңызға көлденөң тартайын.

— Келістік, айтқаның орындалады! — деді Тайшық хан. Даусы да бөлекшे сергек, көңілді шықты.

Диуана кейпіндегі Қаракөз болса: «Қайтейін, әкетай, көзсіз көбелектей ғашықтық отына өртенген мән бір бейбақын, мұнан басқа шарам жоқ, оның үстіне іштен шыққан балаң екеніме қарамай мыстанның таз ұлына қыып жібергенің көкейімнен кетпейді. Қызы бейбақтың көрінгенге қрлжаулық болуы оп-оңай екен. Бүйтіп қор болғанша, жүрек өмірімнің күні боп өлеійін», — деген оймен Байшұбар атты жетектеп кете барды.

Байшұбарды ордадан алып шыққан Қаракөз кешікпей-ақ шынырау зынданға келіп еді. Қазіргі сәтте әкесін алдап, өлім тұзағын құрып кеткеніне егіліп, көзінің жасын ішке жұтып жүрсе де, көкірегін екінші бір сезім ойнақ салып, Алпамысты көруге асықтырғандай. Осынау екі дай сезім шарпуында Қаракөз тәуекел етіп, ғашығының жолында құрбан болсам да, өкініші жоқ деп түйініп алған.

Сол ниетпен зындан аузына келген бетте Байшұбардың беліне арқан байлап, оның бір ұшын Алпамысқа тастады. Алпамыстың да тағатсыздана күткені осы сәт. Төбесінен салбырап жеткен арқанды «иә, сәт!» — деп қолына ұстады. Іле беліне байлап, тарт деп белгі берді. Байшұбар ат та лып етіп, төрт тағанын жерге сіңіре мықшиып, жер түбінде жатқан иесін саумалай көтере берді.

Бұл кезде Қаракөзайым да қуаныштан дүниенің бәрін ұмытып, бар тілегі Алпамыстың үстінде болып, ет жүргегі бұлқына соғып қоя берген. Кешікпей-ақ Алпамыс дік етіп сыртқа шықты. Қаракөзайым қуаныштан көз жасын мөлт еткізіп, батырдың құшағына өнді. Жеті жылғы азаптан құтқарған Қаракөзге, оның тайғанақсыз тәуекелшіл ер мінезіне, адал сезіміне деген Алпамыстың да ықылас-пейілі аққұла ерекше болатын. Соナン соң да, қазіргі сәтте құшағында тұрған Қаракөзді бауырына тартып, шыншыл пейіл үстінде ақ тамағынан аймалай сүйіп еді.

Бұл кезде адамнан есті Байшұбар да иесін көріп, шүркүрай оқыранып алды да, тұла бойы қуаныштан шымырлап кеткендей үш секіріп, үш түсті.

Алпамыс пен Қаракөзайым құшақтары жазылмастан, Байшұбарды жетектеп оңаша отауға келді. Осы жерде жас батыр жеті күн бойы тынығып, Қаракөзайыммен армансыз ойнап-кулді.

Сегізінші күн дегендे жау-жарағын сайланып: «Тәнірім!»—деп атқа мініп еді...

... Бұл жағдайды ордасында жатқан Тайшық хан да білген. Қапыда алданып, өзіне-өзі дұзак құрғаны бір қинаса, іштен шыққан перзенті Қаракөзайымның жат болып, дұшпанына қып кеткені екінше жағынан ішін мысықтай тырнаған. Соған өбден булығып, Алпамыстың енді аямайтынын біліп жаны түршігіп, өз жағасын өзі жыртқан. Өгіздей өкіріп, басын таққа соққан.

— О, Тәнірім! Осынша қаһарыңа ұшырайтындаи не жазып едім!— деп қатты күйінген.

Бірақ құр күйінгенмен енді өштөнө өнбейді, өрі-беріден соң сабасына түсіп, жарлық беріп .еді. Әп-сөтте керней-сырнай тартылып, қырық қақпалы қалаға тегіс хабар берілді. Хабар бойынша сол күні сәске түсте хан алаңына жүз мың әскер сапқа тұруы керек болды. Хан жарлығы екі айтылмайды, сәске түсте жау-жарағы жарқылдап, жүз мың әскер хан алаңын кернеп кетті. Тайшықтың алтын тағы сыртқа шығарылып, жауынгерлер сапының қарсы алдына құрылды.

Осы кезде орда есігі айқара ашылып, қабағынан қар жауғандай түнерген Тайшық, хан көрінді. Сол сұсты қалпы серпілместен томаға түйік кейіпте таққа келіп отырды. Іле аш қырандай шаңқ етіп тіл қатты. Үнінде өлім мен өмірдің біріне ғана бел буған ширығу бар. — Уа, менің балуан батырларым! Көп кешікпей шаһарымызға Алпамыс батыржелуге тиіс. Бұл — осыдан жеті жыл бұрын түсіме кіріп, астымыздан су шықХандай дүрліктіретін жас жігіт. Ол жолы мыстанның ақылымен алдын алып, зынданға салып, көніл жайлап едік. Енді, міне, орайын тауып тағы сытылып шыққан жайы бар. Ата-бабамыздың салты бойынша, жалғыз шапқан жауға алдымен кезегін беріп, жекпе-жекке

шығуымыз керек. Ол да сендер сияқты анадан туған, адамның баласы. Көнө, қайсбің барсың, дүшпаныма қарсығұрып көгімді алып беретін, қабырғасын қаусатып, табаныма салатын?! Алпамысты жеңгеннің тектүйіншісіне ғана астындағы шұбар тұлпарды беремін...

Тайшық ханның сөзі бітер-бітпестен, қалқанын құрзісімен даңғыр еткізіп, бір батыр саптан жүлкүна шықты. Бұл Тайшық ханмен қатар өскен жолдасы — Таймас батыр болатын. Таймас десе дегендей, осы уақытқа дейін дүшпанынан тайсақтап беті қайтып көрмеген. Сонысына лайық өзінің де ерге сай тұлғасы бар еді. Тек қолындағы құрзісінің өзі отыз батпан алмас болатын. Талай қанды шайқаста арыстандай ақырып алдыға шығып, дүшпанның апшысын қуырып, жеңістің туын желбіретіп қайтатын.

— Оу, хан ием!—деді Таймас,— тек, сүйіншіге Шұбарды тіксен, басқа сый дәметпей-ақ қояйын. Алпамыспен белдесуге рұқсатынды берсең болды, айтқанынды істейін.

— Мақұл!—деді Тайшық хан.

Аруақ, аруақ!—десіп шу ете қалған қалың, қол қырық, қакпалы шаһарды дүр сілкіндірді.

ОРДАДАҒЫ ОЙРАН

Шаңырақтай қалқанын басына төңкеріп, отыз батпан алмас күрзісінебелектей үйіріп Таймас тұр. Астындағы атан түйедей серейген қара тұлпар мойнын доғадай иіп, Алпамыстың келесі шабуылын тықырши күтеді.

Қос батыр өлгінде ғана бір-бір кезек алысып, бірін-бірі қошқардай түйіп өткен. Алпамыстың қол байқар жолғы тегеурінінің өзі Таймасты сен соққан балықтай есендіретіп кетті. Енді, міне, екінші кезегіне шыдар ма екенмін деген сумаң ой жүргегін аяздай қариды. Бірақ «Бері арығын білдіртпесе, сыртқа жүнін дүрдитер» дегендей, өзінше күрзісін үйіріп, доңайбат жасаған күйде еді.

Алпамыс бұл жолы жалаң қылышын жарқ еткізіп жоғары көтерді. Іле Байшұбарын тақыммен нұқып, Таймас батырға қарай ақ түйғындағ құдиді Сол бетінде жұлдыздай ағып жанаса берген Алпамыс наизағайдай жалт етіп, Таймастың басын бір-ақ шауып түсіріп кетті. Үстіндегі иесі обадай болып жалп етіп құлаған соң, қара тұлпар да ойнақтап шыға келді.

Осы кезде қалмақ өскерінің қалың сапынан бір батыр еліре айқайлап, жүгіре шықты. Жекпе-жек делебесін қоздырып, әрі намысқа шыдай алмай ұмтылған сыңайы бар. Келе жапырып жіберетін немедей етегінің қос шалғайын беліне түрініп алған. Алпамыстың өз қылғанын өзіне көрсеткісі келгендей, жарқылдатып жалаң қылыш ұстапты.

— Жекпе-жек, жекпе-жек! — деп, еліре айқайлайды.

Мұны көрген Алпамыс тізгін тежеп, бір өнер көрсетуді ниет етті. Асықпай қолындағы қылышын қынабына салды. Найзасын тақымына басты. Енді тек қана қарында қалқаны бар демесе, құр қол күйінде қалмаққа қарсы жүрді. Қалмақ болса, қылышын безөп, ұрымтал сәтті пайдаланып қалғысы келгендей ұмтыла беріп еді. Сермелген қылыш шық етіп қалқанға тиді де, сол сәт Алпамыс жалаң жұдырығын сілтеп қалды. Сілтегені құр кеткен жоқ, жел ұшырған жапырақтай қалмақтың

басын жұлдып түсірді. Қаны шашырап, қаңбақтай домалаған жұмыр бас құлмақтардың сірескен сапына барып бір-ақ тірелді.

Көз алдында өткен жекпе-жектің сыңайын қапы жібермей, так үстінде түнере қадалып, Тайшық хан да көріп отырған. Әсіресе соңғы өлім намысын келтірді. Іштей кіжініп, алтын тақтың шынтақ аспасын сыйымдап-сыйымдап алды. Соңан соң оң жағында тұрған жас жауынгерге мойын бұрды.

— Балам, кеуденде намыс болса, қимылда. Мына қаңғырған қазақтың қорлығы өтіп барады! — деді Тайшық хан.

Оң жағындағы жас жауынгердің күткені де сол лебіз екен. Дүр сілкінген қырандай иығындағы желбегейін сыпрыып тастап еді, үстіндегі көк сауыт жарқырап қоя берді. Бұл — бірінші жекпе-жекте опат болған Таймастың жалғыз ұлы еді. Жас та болса, батырлығымен жүрт аузына ілігіп, қырандай уытты, қабыландай қайратты бітімімен дараланатын. Тайшық ханның: «Кеуденде намыс болса, қимылда», — деп мезгеп тұрғаны да Таймас батырдың өлімі болатын. Айтқанша болмады, Таймастың батыр ұлы жараған нардай болып, құтырынып шыға келді. «Келсөң кел», — деп жұтынып, қысырдың тайындан болып Алпамыс та қарсы ұмтылды. Қөзді ашып жүмғанша, азу тістерін ақсита шүйліккен қос батыр үркөр мән айдай болып тоғысты. Демдерінен үйірлген құйын қалмақ өскерінің қалың-қатарын қыдырыып кетті. Неше жылғы шерін тарқата алмай жүрген Алпамыс бұл жолы да шыдатпады. Беттескен бетте қалмақ батырын сақиналы найзасымен жez қармақтай іліп кетті. Ілген бетте тырандата үйіріп, шаңын бүрк еткізіп тастай салды. Қалмақ батырының тұяқ серпуге де мұршасы келген жоқ. Әненің дегенше, жекпе-жек алаңында буылған баудай теңкіп үш қалмақтың жансыз денесі жатты.

Бұл көрініс қалмақтың қалың өскерін есөңгіретіп тастағандай еді

Бір сәтке жауар бұлттай түнерген тым-тырыс тыныштық иықтан басқандай.

— Жекпе-жек, жекпе-жек! — деді Алпамыс келесі кезекті шақырған белгіні білдіріп. Үні де күндей күркіреп, қаһарлы естілді.

Осы кезде қалмақтардың қатарынан алшандай басып бір жауынгөр шыға берді. Бүл — туғалы жауырыны жер иіскеп көрмеген айтулы балуан болатын. Қымылышында еш қатердің нышаны жоқ, асыкпай басып барып, атқа мінді. Сонан соң, тақымын жазып алғысы келгендей, олай-бұлай шапқылап қыр көрсетті. Бір мезгілде Алпамысқа жақындалап келіп:

— Ей, қайратқа мас болған жас бала! — деді. — Ер кезегі үш рет деген, үшешін де алдың, арманыңдан шықтың. Шын батыр болсан, басыңа қалқан үста да, ендігі кезекті маған бер.

— Жоқ! — деп іле тіл қатты Алпамыс, үнінде ерегіскең ердің райдан қайтпас тегеуріні бар. — Жоқ, кезегімді бермеймін. Біріншіден, сендер көпсіңдер, мен жалғыз. Екіншіден, жеті жыл зынданға салған қорлықтарың үшін жеті мың қалмақты өлтірмей қылышымды қынапқа салмаймын деген сертім бар. Арманың жекпе-жектің кезегі болса, жеті мың жауынгөрді бір жайлы етейін, сонан соң кел. Оған дейін кызығымды көре тұр.

Мұнан әрі қос батыр тәжікеге бармады. Екеуі де сүзетін қошқардай көз аларта шегінісіп алды да, бір-біріне тап берді. Алпамыс бұл жолы балуанмен балуанша үстасайын, қапыда қалдым демесін, қару жұмсамай-ақ қояйын деп ойлады. Сол ниетпен бетпе-бет келіп қалғанда, шап етіп жағадан үстап, буындыра жөнелді. Нарттай болып қызырып, " ісіп-кеуіп кеткен қалмақ балуаны бауыздалған бұқадай қырылдап ат үстінде жан берді. Тайшық хан мұны көргенде, шыдай алмай, екі иіні селкілдеп, зауал шағын көргендей жанарын жасқа толтырып еді.

Тайшық ханның мұжіле шөгіп, көзін жаспен шылаған күйін көргенде, жүз мың әскер жалғыз Алпамысты жүндей түтетіндей болып лап қойған.

— Иә, аруақ! — деп Алпамыс та қарсы ұмтылды. Сол бетінде қамысқа түскен жасында кеулеп, қалың жаумен қидаласып кетті. Жүріп өткен жерінде өліктерден жол қалып жатыр. Қолындағы сәмсері сермелген сайын, сан дүшпан баудай түссе, лықсып келген қалың қол жартасқа соғылған толқындағы болып орнын басады. Алпамысқа жанасуға асыққан небір жау жүрек ерлер жан беруге асыққандай қырғын тапты. Ет пісірім уақыт өткенде, тәбе-тәбе болып өліктер көрінді.

Аққан қанға ат шашасы боялды. Үрістем батырдың майданы да мұндаидар болмаған шығар. Кіші бесін әлетінде қалмақтардың да лажы таусылып, қатары сөтіней бастап еді. Лажы таусылмай қайтсін, Алпамысты нысана етіп мылтық атса — так өтеді, қылыш шапса— шақ өтеді. Тап бір шойыннан құйылғандай. Оның үстіне соғысқан сайын еті қызып, арыны үдеп, құтыра түскен. Мұны көрген қалмақтың тірі қалғандары үріккен қойдай босып, қорғанға ығысып, ендігі үрысты қала қақпасының аузында салған. Алпамыс бұл жерде де шыдатпай, қоғадай жапырып, қырғын таптырумен болды. Бұл кезде қас қарайып, көз байланыстаған. Бір мезгілде салдыр-күлдір еткен дауыс естіліп еді, Алпамыс шайқаса жүріп байқаса, «Қап!»—деді өкініп. Өкінгенмен не пайда, сыртта қалған жауларын жаусатып, енді қалаға кірудің амалын ойлады.

Берік қаланған тас қамал асу берер емес. Алпамыс дүбірлете шапқылап қорғанды үш рет айналды. Барлық қақпа тас бекітілген. Осыменен жүргендеге тұн ортасы болсын. Алтын табақтай болып қорғалап туған ай көтерілді. Ай сөулесі адамдардың аққан қанына шағылып, көз қарықтыра жалтырайды. Бір мезгілде Алпамыс қорғанның шығыс жақ іргесінен үңірейе арауытқан үңгірді байқады. Аттылы адам еркін сыйып кетердей кен қуыс қарауытып, сұсты көрінеді. Алпамыс: «Бұл не үңгір»,— деген ниетпен жақындаамақ болып еді, астындағы шұбар ат осқырып, шегіншектей берді. Әлі де ет қызыу басылмай жүрген Алпамыс тәуекел етіп, қамшыны басып-басып жіберді де, шұбардың маңдайын үңгірге бұрды. Бір пәлені сезгендей бұлқына шегіншектеген Байшұбар ат үстіндегі иесі қыстап болмаған соң, қос құлақты жымырып алып, ашы ішектей созыла жөнелді. Сол бетінде ойынды еті бұлт етіп, асыл біздей жылт етіп, үңгірден өте шыксын. Өте шыққаның қайтейін, қорған ішіне дік етіп түсі мұң екен, шылдырлап қоя берген темір тор Алпамысты ат-матымен басып қалды. Байшұбардың үңгір аузында осқырынып, шегіншектеуінің сырлы да осы еді. Бұл да ештеңе емес қой, үңгірдің ішінде аттылы адам сыйып кетердей шыңырау зындан болатын. Қалмақтардың да соңғы сенген тұзағы сол еді. Абырой болғанда, Байшұбардың табаны жер иіскемей сып етіп қорғаң ішіне бір-ак түсті ғой. Жау ішінде жазым көп емес пе, енді, міне, темір тордың,

ішінде балықтай шоршып тұрысы мынау. Жай тұрғыза ма, «тұсті тұстілөп!»—лап қойған қалың жау шоқпарларын шірене сілтеп, оқты бүршақтай жаудырды.

Осы кезде дөңге қаққан қазықтай болып қасқайып тұрған Алпамыс, іштей егіліп, тағдырына назаланып, аруақ-құдайға жалбарынып өді. Көрген қорлық, тартқан азабын айтЫП, жалғыздығын еске алЫП, мұнЫн шақты. Сонан соң, астындағы Байшұбардың білдірген белгісін сезбей, өзін-өзі торға тұсірген аңғалдығына қапа болды. Қабырғасы қайыса өкінді. МұнЫң бәрін жазбай танып, үстіндегі иесінің жайын біліп тұрған Байшұбар осы кезде бір ғаламат өнер көрсетіп өді. Алдымен арқырай кісінеп алды. Сонан соң, жалын құдірейтіп, төрт тағанын тіктеп, шортандай бұлқына жөнелді. Сол-ақ екен, темір тор сетіней сөгіліп, шарбы майдай сыптырылып қалды. Алпамыс болса, ойнап шыға келді. Енді бұрынғы бұрынғы ма, қабағынан қар түтеп, жойқын күшпен қалың жауға жапыра килікті. Мұны көрген қалмақтар үріккен қойдай тоз-тоз болып, бірін- бірі басып-жаншып, бет-бетімен қашты. Бірі тауға тығылса, бірі тоғайға сінді. Жан сауғадан басқаны ойлаған тірі пендे қалмады. Осылайша тағдыр шіркін Тайшық ханның зауал шағын табалдырығына тіреді. Ол да енірекен ер өді, бетпе-бет келген қасірет бұлтын қасқая тұрып қарсы алды. Ездік мінез пешенесіне жазылмаған қалыпта Алпамыспен жекпе-жекке шықты. Бұған дейінгі жекпе-жектер бұл жолғы шайқасқа қарағанда баланың ойыны сияқты екен. Алпамыс пен Тайшық найзағайдай шарпысып, күндей күркіреді. Қос батырдың кезек-кезек салысқан соққысы қаланың қорғандарын шайқалтты. Алпамыстың зынданнан шыққалы дамыл көрмегені белгі берейін деді ме, жоқ әлде Тайшықтың тегеуріні ерекше ме, бұлардың жекпе-жегі бір шарпысумен тынбады. Алғашқыда ырғай сілтеп бір-біріне найза тастасып өді, екеуі де дарыта алмады. Мұнан кейін қида-қида болып қылыш салысқан. Тайшық хан осы тұста бір белгі беріп, ығыса үрысып өді. Сол ығысқан бетінде қақпаның аузына жеткен. Осы кезде қақпаның аузын қан қылышп, қараған жанды таң қылышп, Тайшықтың тусін шын қылышп, Алпамыс батыр ханның басын қағып тұсірді. Осыдан кейін-ақ Алпамыстың мерейі үстем болып, қолына қару ұстаған жау атаулыға

Қырғын таптырып, қалаға кіргөн. Қан сасып жатқан қала ішінде ат ойнатып келе жатса, бір жерде ербиіп баяғы мыстан кемпір тұр. — Оу, шешеке, аман ба?—деп Алпамыс қыжырта келекелеп тақала берді. — Е, шырағым, жүрмін ғой!—деген мыстанның үні тағы да бір аярлықты көлденең тартқысы келгендей өді. Бірақ Алпамыс оған мұршасын келтірмеді. Қорлығы өткен мыстанға жарық дүниемен қош айтқызып, өшін алды. Хан ордасында ойран осымен тынып, Алпамыс батыр көңіл демдеді. Мандайының терін сұртіп, Қаракөздің отауына ат басын бұрды.

Қалмақтың қалың елін Алпамыс батыр аузына қаратты. Ертеңінде-ақ керней-сырнай тарттырып, қара халықтың басын қосқан. Мұның өзі жеңістің салтанатындаған, әділдіктің үстем болған қуанышындаған өді. Арнайы тігілгөн ақ шатырдың ішінде Алпамыс отыр. Жанында — он бесінде туған айдай болып толысқан Қаракөз. Ата-анадан айырылған қасірет-қайғының бәрін Алпамыстың есен-сau көрінген бір , сәтінің өзі-ақ жуып-шайып кеткен. Қазіргі сәтте кер маралдай көріліп, ақ жүзінде шаттық нұры ойнап, Алпамысқа наздана жанасады. Қаракөздің жанында құрақ ұшып баяғы нәкер қыздар жур. Алғашқыда олар батырдан қымсынып, беттерін шымшып, өрі қорыққан, өрі ұялған сыңай танытып өді. Бас душпанның бетін қайырған соң, Алпамыс қыздардың бір кездегі мыстанмен бірге келіп жасаған қаскөйлігін қаперіне де ілмеді. Оның бұл мінезі қазіргі жеңіс салтанатын жандандырып, ел-жүрттың көңіліне қуаныш сепкендей өді. Шатыр төрінде Алпамыстан тәменірек жерде серке бағатын Кейқуат отыр. Алғашқыда бұл көрініске жиналған жұрт сенер-сөнбесін білмей таң қалған. Тайшық ханның бақташысын оң тізесін басқыза отырғызуын Алпамыс батырдың келекемазағы емес пе екен деп күмәнданған. Жоқ олай болмай шықты. Батырдың өзі елеп-ескеріп, құрметпен мойын бұрып сұхаттасып отырғанын көргенде, көпшіліктің таңданысында шек болмады. Таңдана тұрып, Алпамыстың хан мен қараны тең көрген бұл қылышына қалың ел риза болысып өді. Ел-жүрттың басын қосқан бұл жиын тек жеңіс салтанаты ғана емес, сол ел-жүрттың өндігі бас иесін белгілеп, жүртқа жария ету салтанаты да өді. Осы ниетпен Алпамыс батыр халық тағдырының тізгінін Кейқуатқа беруді ойлаған. Мұнысы, бір жағынан

Кейқуатқа берген уәдесінің орындалуы болса, екінші жағынан қарадан шыққан хан халқына жайлы болар деп түйген. Оның үстіне Кейқуаттың жат-жақын демей, дос-дұшпан демей қол ұшын беріп, ақылды өрекеттер жасауына қарап, Алпамыс оны зерделі жігіт боларсың деп ойлаған. Қазіргі сэтте он тізесін басқыза, төрден орын беруінің де сырғы сол болатын. Женіс салтанатының басталу бөлгісі ретінде алтын шараға шарап құйылып, Алпамысқа ұсынылды. Алтын шараны ұсынған Қаракөздің нәкер қыздарының бірі Жүрметүз деген сұлу өді. Бұл өзі тал бойында сымға тартқан күмістей бір міні жоқ, көрер көзді көрік-келбетімен тұсап тастағандай аяулы ару болатын. Шын сұлудың жігіт жүрегін жараламайтын кезі бар ма, баяғы Қаракөзайыммен жеті жыл түзде жүргенде Жүрметүзге Кейқуат та ғашық болған. Бірақ өзінің қандай екенін білетін өр кеуде ару Кейқуат сияқты серке баққан жігітті менсінбей, орайы келсе, келеке-мазақ қылышып кететін. Сол пандығы өлі қалмапты. Кейқуат бүгін бір-екі рет орайын тауып тіл қатып, жана сқан болып өді, ашы өзілмен бетін қайырып тастай берген. Сол Жүрметүз тал шыбықтай бұралып қолындағы алтын шараны Алпамысқа ұсына беріп өзіл тастады.

— Батырым, шарап ішсөң, ұйықтап қалатын әдетің болушы өді, байқа! — деді сыңғырлай құліп. Жүрметүздің күлкісі де күміс сапырғандай өрекше жағымды екен. Оның үстіне уыз ернін болар-болмас көргенде, аптақ тісіне орнатқан гауһар жарқ етіп, төрде отырғандардың көзіне шағылып өді. Әсіресе Кейқуат сұқтана қадалып, қыз қылышы шарпып өткендей көнілі алабұртып кетті. Осы кезде Алпамыс та өзілге өзілмен жауап қайырған.

— Жоқ, Жүрметүз, адамды ұйықтататын шарап емес, ықылас-ниет болса керек. Оның үстіне шарапты мыстанның қолынан ішсем ғана мас болатын әдетім бар. Ал сенің мыстан емес екеніңе шығар күндей сенемін, — деп келіп, шарадағы шарапқа Алпамыс ерін тигізді. Осылайша ойын-той қызып, жұрт көнілінің кірбені жазылған кезде, Алпамыс керней тарттырып, жұрт назарын өзіне аудартты.

— Уа, халайық! — деді Алпамыс, — малға бас жіп, елге басшы жарасқан, бүгінгі салтанатта елім десе, егіліп, жұрттым десе, жылаған

азаматтың атын атағым көледі. Халықтың мұң-сырына жақын болар деп қарадан шыққан Кейқуатты хан сайлаймын. Бүгіннен бастап тағдырларыңды сеніп тапсыратын, алдынан өтпес өміршілерің Кейқуат болады.

Бұл шешімді қара халық қуана қарсы алды. Тай құлындаған табісіп орталарында өскен Кейқуатты іш тартып, құтты болсын айттысты. Кейқуат хан болған соң, Жүрметүз сұлудың да ықыласы өзгеріп, иіле қызмет көрсетті. Кешікпей-ақ осы тойдың үстінде Кейқуат хан Жүрметүзді оң жағына отырғызып, өзіне өмірлік жар ететінін айтты. Хан мән ханшаның некесін Алпамыс қыып, шын тілеулестігін білдіріп өді. Ел тізгіні қолына тиіп, хан болған соң, арада бір апта өткенде Кейқуат керней-сырнай тардтырып, халқына жар салды. Алпамыс пен Қаракөзайымның үйлену тойын жасауды жария өтті. Хандығындағы алтын-күміс қазынаны аямай, екі жастың неке қияр тойын есте қалардай етіп өткізді. Отыз қунге созылған ойын-сауық Алпамыс пен Қаракөздің осы уақытқа дейін көрген қындықтарын, шеккен уайымдарын жуып-шайып кетті...

Осылайша, қалмақ жұртына тыныш тіршілік орнап, құндер өте берді. Бірде Алпамыс батыр түс көрді. Түсінде бір күшіген түніліктей бол түнере ұшып келеді де, төсегіне қонады. Алпамыс үш рет ұшырды, күшіген үш рет қайта қона берді. Болмаған соң, батыр ашуланып, құстың мойнын бұрап жұлдып алып жүр екен...

Ояна келген Алпамыс аулында бір сойқанның болғанын білді де, дереу жолға қамданды. Өлең төсегіндегі туған жұртына күшігеннің шүйіліп жүргені, әрине, тегін емес. Алпамыс бұл ниетін Қаракөзайымға білдіргендеге, ол да уайым шегіп:

— Е, тәнірім, көзімнің жасы жаңа тыйылды ма деп өдім, тагы да қай қасіретінді көлденең тарттың! — деп зар еніреді.

Бірақ Қаракөз есті қыз ғой, әрі ойлап, бері ойлап, қабырғасы қайыса отырып, Алпамыстың ел-жұртына аттануын жөн көрген. Сол ниетпен жылап-еніреп жүріп, Байшұбарды өз қолымен ерттеп, батырына оң сапар тілеп өді:

«Қош аман бол, алғаным,

Алаша төсек салғаным,
Табанымнан тас өтіп,
Мандайыма күн өтіп,
Қайғысын шектім даланың.
Қызығын да көре алмай
Ата менен ананың...
Ақылы кәміл дананың.
Жаныңа сенің құрбан ғып,
Еліме ойран салғаным.
Ата-анамнан айрылып,
Сырдай болып қалғаным.
Ең болмаса балаң жок,
Артыңда белгің қалған жоқ,
Ішімде кетті-ау арманым.
Арман етпей немене,
Алдыңнан кетсе алғаның,
Алғаныңнан айрылсан,
Қызығы бар ма жалғаның.
Мінемін дедің, мін енді,
Жүрөмін дедің, жүр енді,
Көрермін басқа салғанын.
Болмаса неғып ілесіп,
Шұбар атқа мінгесіп,
Еліңе неге бармадым.
Қыз деген ердің олжасы
Ат артына салмадың.
Алғаның кәміл пірің деп,
Аятын көрдім құранның.
Аман барып, есен жүр,
Жолыңа мен бір құрбаның.
Қош енді, ерім, қош енді.
Қош деп айттым үш енді,
Әмірі шығар алланың!»

Көзінің жасын бұлап тұрып Қаракөзайым осы сөзді айтқанда, оның женінде алмас қанжар тығулы түр еді. Ондағы ойы — асыл туған ардағы Алпамысты ренжітпей шығарып салған соң, тағдырына нағылет айтып, өзін-өзі өлтіруге бекінген.

Алпамыс батыр Қаракөздің әлгі сөзіне іштей толқи тұрып, ксмл-қош жауабын қайырып еді.

— Ақылыңнан айналдым, Қаракөзайым! — деді Алпамыс, — затың әйел болса да, өзіңе ер-азаматтай сенім артып аттанып барамын.

Тыныш өмір бастаған ел-жүртүнан екеуміз бірдей кетсек, тағы да шырқы бұзылмасына кім кепіл. Мен үшін сен дөңге қаққан алтын қазықсың, арқандаулы аттай айналып келіп өзінді табамын. Ақ тілеуінді аузынан тастамай күтетін бол, аман болсам, өзіңе үшарға қанатым болмай оралармын. Осыны айтып, Алпамыс атының басын үш рет жолға салып, үш рет қайырылды. Қаракөзді құшағына қысып, ақ жүзінен сүйіп, жұбатып кетті. Алпамыстың бұл қылышы, айтқан ақылы Қаракөзайымның көңілін көтеріп, жүргегін тәтті үмітке толтырды. Бағанағы өзін-өзі өлтірем деген райынан қайтып, өнді барлық үміттілегін Алпамыстың ақ жолына бағыштаған.

Жер танабын қырып, артына шүйкедей шаң тастаған Байшұбар ат құлдыраңдал ұзап барады. Қаракөзайымның көзінде жас, көңілінде тәтті үміт, өлі қарап түр. Алпамыс көкжиекке сіңіп, көзден таса бола бастағанда:

— Кош, жаным, есен барып, сау қайт! — деп күбір етті Қаракөз. Осы сөт таңғы шықтай мөлт еткен көз жасы ақ жүзін тағы да сыйып бара жатты.

ЖИДЕЛІБАЙСЫН ЖЕРІНДЕ

Байшұбардың тізгінің тартпастан ен даланы көктей шапқан Алпамыс арада отыз күн өткенде, Жиделібайсын жеріне тұяқ іліктірді. Ел шетіне жеткенін алдымен Байшұбар ат біліп, үстіндегі иесіне белгі берген. Қөлбеп жатқан қоян жонға сыдыртып шыға келсе, арғы жақ бауыздау алқымы жер қайыстырған қалың жылқы екен. Шұбар ат өз үйірін бірден танып, арқырай кісінеп қоя берсін. Қалың табын үрпісіе бас көтеріп аз-кем тұрды да, Байшұбарды олар иісінен танып, шұрқырай қоршап алған. Әсіресе жалы жер сызған мама бие Байшұбарды танауынан иіскеп, солқ-солқ өкіранып қоя берген.

Алпамыс сонда ғана мән-жайды түсініп, мына бие Байшұбардың енесі екенін танып, мына жылқы өз малы екенін біліп, көңіл орнықтырған. Соナン соң, ел ішіне бірден кірмейін, түсімнің сыңайы жаман өді, неде болса аңысын андайын деп, үстіне қоржынынан алып диуананың киімін киді. Әбден танымастай болып киінген соң, атының басын жылқышылардың қосына бұрып өді.

Қосқа кіріп келсе, тәрде киімдері келісті бес бек үйықтап жатыр. Босаға жақта мосыға шай қайнатып, өні жүдегү біреу отыр. Жай отырған жоқ, көзінен жас аға мұқалып, сол көз жасы құрғамаған күйі қалғып отыр. Алпамыс бұл қалай деп өлгі от басындағы кісіге назар салса, өзінің әкесімен немере Құлтай деген бабасының Тортай деген жалғыз баласы екен. Ал тәрде жатқандар — осыдан жеті жыл бұрын жылқы бағатын бес күл.

Сәлем беріп кірген Алпамысқа Тортай елең етіп бас көтеріп, ығысып орын берді. Бес бек оянған да жоқ.

— Иә, жол болсын, танымадым ба, қалай? — деп Тортай тіл қатты.

— Байсынға кіре тартып бара жатқан жолаушы өдім, — деді Алпамыс. — Кіндігімнің қаны тамған жер — осы Жиделібайсын. Елден шыққаныма жеті жыл болды. Ата-ана, туған-туыстың не қүйде екенін білмей, елендеп келемін. Ел шетінде кезіккен қара болған соң, соға

кетейін деген ниет еді. Тіл беріңіз, мына сыңсыған қалың мал қай бектікі?

— Ей, шырағым-ай!—деп Тортай күйіне тіл қатты.— Несін сұрайсың, ежелден бақ қонып, ырыс дарыған Жиделібайсын жерінде қалың Қоңыратты аузына қаратқан Байбөрі байдың жылқысы еді ғой бұл. Осыдан жеті жыл бұрын Тайшық хан өлді шауып, тізесі батқан соң Байбөрінің тірек еткен жалғыз ұлы кек қайыруға аттанған. Алпамыс атты ұлы жау соңынан кетісімен, Ұлтан деген құл билеп-төстеп бек болды. Бек болғаны құрысын, халыққа қорлық көрсетіп, ен дәулетті судай шашуда. Ұлтанның қай зорлығын айтып таусайын, бұл малдың тұп тәркінің білгің келсе — Алпамыстікі. Шырағым, алысты басқан жолаушысың ғсш, мүмкін, Алпамыстың бір хабарын білерсің?

Осы кезде тәрдігі бес бек оянып кетті де, ішіндегі жуан қарын біреуі:

— Ей, қақбас, неғып шатып отырсың? Ел қыдырған диуана не біледі, қайнат шайыңды!—деп Тортайды бүйірден ыңқ еткізіп бір тепті. Сол-ақ екен, үйқы¹|аар жасағысы келгендей басқа бектер де бастарын көтеріп, Тортайды тәмпештей бастап еді.

— Жігіттер, араша!—деді осы кезде шыдай алмаған Алпамыс,— бұларың қалай, мені сыйласандар, сабыр етіңдер. Болмаса, мен де сіздерге өнер көрсетермін!

Елірген бес бек бұған тоқтамады: «Ой, жаман диуана!» —деп

Алпамыстың өзіне қол көтерсін. Сол-ақ екен, ашуға булыққан Алпамыс қолындағы асасымен бес бекті де бір-бір ұрып сілейтіп салды. Осы сәт Алпамысты қаһарланған қайратынан танып, Тортай құшағын жая ұмтылған. Сол бетінде: «Тәнірім-ау, рас па, өтірік пе!» —деп құшақтай алып, өкіріп қоя берді. Тортай мауқын басқанша жылап, көрісіп болған соң, Алпамыс:

— Ал, аға, елдің жайы қалай?—деп сұрады.

Түйе түлігінің сүйіп жайылатын сор табан өрісін Алпамыс жақсы біледі. Қостан шығысымен ат басын сортаң өріске бұрған. Сол бетінде қарсы алдындағы мұрыншақ төбені айналып келе жатса, қыр астынан зарлаған дауыс естіледі. Арада жеті жыл уақыт өтсе де, әкесінің даусын Алпамыс жазбай таныды. Тани тұрып, қабырғасы қайыса күйзелді. Ет

жүрөгін кернеген сағыныш дәл бсы сәт асып төгіліп, алқымына кептелгендей болды.

Алпамыс қырдан баспалап қараса, үстіне өрім-өрімі шыққан көне шекпен киген әкесі екі іні салбырап, түйе қайырып жүр. Түйе қайыра жүріп, сұңқылдай зарлайды. Біресе құдайға жалбарынса, біресе өзінен-өзі мұнын шаққандай болады. Енді бірде шөп басының сынғанын көрсө де, алдынан пыр етіп бөдөне үшса да, ырым етіп, елендеп қалады. Бұгін неге екені белгісіз, алдындағы түйелер бытырап, қайыру бермей діңкелеткен. Кәрі сүйегі сықырлап, әбден қалжыраса да, түйелердің байыз таппаған мінезін де өзінше жақсылыққа жорып, зарына қосып жүр еді. Әкесінің бұл қүйін көрген Алпамыс шыдай алмай, жақындал келіп:

— Ассалаумағалайкүм, ата! — деп еді. Қапелімде шыққан дауыстан Байбөрінің зәресі ұшып, қолынан таяғы түсіп кетті. Ол бұжолы да әбден тізесі батқан Ұлтанның аңдытып қойған тыңшысы ма деп абдырап қалған. Байбөрінің есөңгіреп қалған бұл қүйін көрген Алпамыс батыр: «Әкеме кім екенімді көнілін орнықтырған соң айтайын, жүрөгі жарылып кетер», — деп ойлаған.

— Ақсақал, ел қыдырған жолаушы едім, — деді Алпамыс, — дауысыңызды естіп бұрылдым. Зарыңызға қосып жүрген балаңыз қайда кетіп еді? Алпамыстың бұл сауалына жауап берудің орнына Байбөрі өзімен-өзі болып, мұны да жақсылыққа жорыған жайы бар.

Тәнірім-ay! — деп еді ол. — Көрер болсаң, көзімнің жасы аз аққан жоқ қой, Ұлтан құл хан болғалы тірі пенде сөлем берген жоқ еді. Жапан түзде мейірімі түскен жан қалмаққа кеткен жалғызыым болмаса неғылсын?!

— Жоқ, ата, — деді Алпамыс, — балаңнан хабар білмедім. Зарлаған даусыңыз сай-сүйегімді сырқыратқан соң бұрылып едім. Енді тілімді алсаңыз, бүйтіп жапа шеккенше, біреудің малын бағып, отын жақпай-ак қойсаныз деймін.

Сол-ақ екен, Байбөрінің көзінің алды қызыарып, иегі дірілдеп, өкіріп қоя берді.

— Тәнірім-ау, рас па, өтірік пе!.. Ата деген даусыңдан айналдым... Бәсеке... бәсеке... жәргектегі иісің мұрнымды жаардай бұрқырап өд.. Бұл кезде Алпамыстың да шыдамы таусылып, атынан домалай түскен бетінде әкесіне құшақ жая ұмтылған. Сол бетінде, қушиып шүйкедей болып қалған Байбөріні құшағына қысып тұрып қалды. Бір мезгілде:

— Мұсәпір болған жан ата, қамықпа өнді!—деді, толқу үстінде даусы дірілдей шығып.

Байбөрі Алпамысын аймалап, мауқын басып, өзіне-өзі келгенше бие сауым уақыт өтті. Соңан соңғанда түсі өмес, өні -екеніне көзі жетіп, тілге келіп еді.

— Ата, өлдің жайы қалай?—деді Алпамыс.

— Е, шырағым, еліңнің басы мына мендей болған соңғанда қалғанының несін сұрайсың. Сен сұрап, мен айтқанмен, тілі құрғыр көрген қорлықты айтып жеткізе, санап тауыса алар деймісің. Онан да өзің көзіңмен көр. Мына қырдың астында Құлтай бабаң жүр. Сенің тілеуінді менен кем тілеген жоқ өді, алдымен сол бабаңа сәлем бер,— деді Байбөрі. Әкесінің ақылын жөн көріп атқа мінген Алпамыс кешікпей-ақ бір отар қойдың шетінде жүрген Құлтай бабасын көрді. Көрісімен тақым қағып айнала жүре беріп өді, қой бастаған қос серке мүйізі қақырайып Алпамысқа жанаса кетсін. Жай жанасқан жоқ, үзенгісін иіскеп, алдыартын орап, соңынан ілесе берді. Бұлар Алпамыстың өзі барда серке қойған екі лақ болатын. Енді, міне, арада жеті жыл өтсе дө, иесін танып, үйіріліп түрған сыңайы еді.

Мұны білген Құлтай жоқ. Қөлдененінді көк аттыға қос серке ілесіп бара жатқан соңған, шыр-пыр болған.

— Қарағымның көзіндегі болып, артында қалған қос серке-ау!—деп дауыстады Құлтай. — Қөлденен қөк аттыға ілесетіндегі нәқара көрінді. Ертең Алпамысым келіп, аманат еткен серкелерім қайда десе, не айтамын... Шөрей, жаным, шөрей!

Осы кезде Алпамыс жақындарап келіп:

— Е, ата, аша тұяқ, айыр мүйіз ешкіге бола несін күніренесің. Мен де бір балаңмын, мына серкелер өздері мойын бұрып түрғой, біреуін бере сал,— деді.

— Ойбүй, шырағым-ай, бермеді деп сөге көрмө. Алпамыс атты балам осыдан жеті жыл бұрын жауға аттанғанда, аманат етіп кетіп өді. Кебенек кисе де, кебін киіп кеткен жоқ, оралар деген үмітім бар. Айып етпе! — деп, Құлтай қалбаландағай берді.

— Жеті жыл аз уақыт емес қой, ұмытып қалған жоқсыз ба? Балаңыздың не бөлгісі бар өді? — деді Алпамыс қасақана.

— Ай, несін айтасың, тұлғасы нар, көкірегі толы ар өді ғой, — деді Құлтай күрсініп, — жауырынында алақандай қалы болатын.

Ел шетіне жанын сағыныш қажап шалдығып жеткен Алпамыс осы сәт шыдай алмай кетті.

— Жан ата, мынандай ма өді! — деп, иығындағы шапанды сілкіп тастады.

Көзі шарадай болған Құлтай Алпамысты бас салып құшақтап, еңіреп қоя берді. Айдалада екеуі ботадай боздап, мауқын басқанша көрісті. Бір мезгілде Құлтай еңсесін түзеп, есін жиып, тіл қатты.

— Балам, — деді ол, — ел шетіне есен-сау келдің ғой, әйтеуір, не болғанын өз көзіңмен көре жатарсың. Алдымен мына қырдың астында қол-аяғы кісіндеулі, қозы жайып жүрген Жәдігер баланды қуантып қайт.

— Ата-ау, Жәдігер балам болса да, танымаймын ғой. Онан да, мына менің атыма мініп, өзіңіз сүйінші сұрап қайтыңыз, — деді Алпамыс. Құлтай сөзге келген жоқ, қауқылдап жүріп шұбар атқа мінді де, жел қайықтай сырғып жүріп кетті.

... Жүйрік аттың жалында жиырма бестегі жігіттің қызыуы бар деген сөз рас екен, былай шыққан соң, Құлтайдың делебесі қозсын. Оның үстіне Алпамысты көрген қуанышы көкірегіне сыймай көтеріліп% осы күйінде хан болған Ұлтан құлға қыр көрсетіп қайтқысы келіп өді. Сол ой делебесін қоздырып, Жәдігерге соғуды да ұмытып кетті. Бұл кездे Ұлтан құл Гүлбаршынға үйлену тойын қыздырып, түрлі бәсеке-белдесу ойындарына кезек берген.

Байлық не істепейді, Ұлтан құл Гүлбаршын сұлумен болатын неке қияр тойында көкпарға деп құнан атасын. Небір атан жілік, аптал жігіттер өліріп келіп, олай-бұлай айналдырған болып өді, құнанды

орнынан қозғай алмады. Осы көріністің үстіне шұбар атты сыйдыртып Құлтай баба келген. Келген бетте көкпар құнаннның тірсегін тіліп жіберіп, ердің қасына іліп сүйрей жөнелсін. Жұрт шу етіп, астындағы шұбар аттың тегеурініне қайран болып қала берді. Бұл кезде той қызығына еліріп алғандардың алды Үлтан құлға келіп: «Көкпар тартып, құмарымыз тарқамады ғой, бір мал бер», — дәп, мазалай бастаған.

Сонда Үлтан құл:

— Уа, жарандар, — деген, — мен сендерге адам көрмеген қызық көрсетейін! Ендігі көкпарларың анау жүрген Жәдігер болсын, барындар да тартындар!

Бұл сөз шынында да жиналған көпшілікке бұрын адам естімеген кереметтей әсер етіп еді. Біреулер: «Қойындар, кешегі Алпамыс ердің көзі емес пе еді», — дәп, бірден салқын шырай танытты. Енді біреулері: «Ой, тамаша!» — десіп даурығып, Жәдігерге қарай тапырақтай жөнеліскен.

— Шет жағасын жаңа айттым ғой,— деді Тортай көзінің жасын сұртіп,— Үлтан құл бек болған соң, мениң тілеуімді тілемей, Алпамыстың тілеуін тілейсің деп, әкенді түие бағуға салып қойған. Атаң Құлтай қой жаяды. Өзіннен қалған жеті айлық балаң Жәдігер жалаң аяқ, жалаң бас, қол-аяғы кісендеулі, қозы соңында жүр. Өзгесін не қылайын, әсіресе өзінің Гүлбаршын жарынды Үлтан құл аламын деп отыз күн ойын, қырық күн тойын жасап, бүгін кешке некесін қидырып қосылмақшы болып қиғылық салып жатыр. Енді өзінің келгенің жақсы болды. Тілімді алсан, тезірек қымылда.

Алпамыс батыр бұл жайды естігенде, сабыр тауып отыра алмады. Дереу орнынан тұрды. Қостан шығарында:

— Ал, Тортай, тәрізі өз ішімізден шыққан қара шұбар жыланды індепей болмас. Сондықтан өзірше менің келгенімді жан баласы білмесін,— деді. Тортай болса, бір күліп, бір жылап: «Тәнірім-ау, бұл күнге жеткізгенің рас па, өтірік пе», — дәп қала берді.

Бұл сұмдық жеті жасар Жәдігердің жанын түршіктіріп еді.

— Ағатайлар-ай, көкелерім-ай, не жазығым бар еді... Жан сауға!— дәп шырылдаған Жәдігер әркімге бір тығылыш, араша сұраумен болды.

Бірақ Ұлтан құлдың сойылын соққан, Алпамыстың қадірін білмес өңшен, әңгүдік жігіттер Жәдігердің сөзіне құлақ аспады. Сонда өшкімнің жаңы ашымасына көзі жеткен Жәдігер қанына қарайып, көкпаршыларды қарғай бастап еді.

— Ой, өңшен қанқұмар қарақшылар! Менің көрген азабымды бастарыңа берсін... Ешкі жасынан аспай жер жастаныңдар... Ағайынтуған, дос-жарандарың сырт беріп, бастарыңнан қасірет тұманы арылмасын! Әлі-ақ Алпамыс әкем келер-ау, «жалғызыым қайда!» деп сұрап-ау, сазайларыңды сонда тартасыңдар... Ал тартыңдар, өңшен қорқаулар!..

Осы сәт Жәдігердің шырылдаған даусын сырт жақтан өктем шыққан үн бөліп жіберді. Бұл Алпамыстың көзін көрген, қадірін білетіндер еді. Жаңағы: «Ой, тамаша!»—деп еліре шапқандардың соңынан ілесіп жеткендері осы екен. Келісімен жалақтап тұрған есерсөқ жігіттерді жасқап, ұрысып, Жәдігердің жанынан қуып жіберді. Жәдігер болса, осынша қорлық көргеніне налып, оның үстіне қол-аяғын қажаған кісенді ауырсынып, құмыға жылап отырып қалды.

Бір мезгілде астында шұбар ат, тақымында көкпар құнан, дырылдата сүйретіп Құлтай баба келе жатыр. Екі езуі құлағында, бүгілгенбелі жазылып, тұлеп шыға келген. Мұны көрген Жәдігер көзінің жасын да сұртпестен, аңырып отырып қалды.

— Шырағым Жәдігер, сүйінші!—деп қуана дабдырлады Құлтай,— сүйінші... Мына көкпарды,abyroy серік болып, мен алып кеттім... Өзіне арнайы әкеліп салғаным ғой...

Құлтай осы сөзді айтып, құнанды сылқ өткізіп тастады да, жүріп кетті. Кәукілдеп, қуаныштан есі шығып жүріп, Алпамыстың келгенін айтуды да ұмытып кетті. Жәдігер болса, бабасының бұл қылышына одан сайын таңырқап, қайран қалды. «Жаман құл келінін алғалы жатқанда, бабамның мұнша әулекіленгені несі,— деп ойға қалды Жәдігер.— Астындағы аты Ұлтан құлдың итке сүйек тастағандай етіп алдарқатқан сыйы болар... Ал мына көкпарды қайтемін... Көкпар шабар күнім болса, өстіп жүрер ме едім... Қой, басқаға өкпем болса да, бабамның ықыласын елеусіз қалдырмайын, мұны Қарлығаш апама апарып

берейін, тым болмаса сорпа-су етіп, жігіттерге асып берсін». Осындай ойға келген Жәдігер орнынан тұрып, құнанды тірсегінен ұстаған күйі ауылға сүйрей жөнелді. Қол-аяғы кесіндеулі болса да, есік пен төрдей құнанды ауырсынар емес. Тері сүйреткендей ғана болып кетіп барады. Бұл жайды сыртта жүрген Ұлтан құл көріп қалған. Құтырған құл көріп қана қоя ма, бір жағы Жәдігердің мына күшіне таңырқай қараса, екінші жағы сол жойқын күштөн секем алып, жүрегі мұздап қоя берді. «Ә, бөрінің баласы бөрілігін жасамай қоймайды екен,—деп ойлады,— мына күшімен бір күні жазым етіп жүрер... Оның үстіне шешесін алғанымды қызғаныш көрмес деймісің... Дереу көзін құртпаса, болмас!» Ұлтан құл осы ниетпен Қарлығашқа келді де, өктем тіл қатты.

— Әй, Қарлығаш,— деді жұдырығымен нұқып жіберіп,— сен жылдам Жәдігерді алып маған кел. Бөрінің бөлтірігінің көзін жоймай, жаным жай табар емес. Бұл сөзді естігенде, Қарлығаш еңіреп қоя берді.

— Тәңірім-ау, енді көрсетпегенің осы ма еді!—деп зарлады Қарлығаш.— Егіз қозыдай тел өскен Алпамыс ағамның жалғыз көзін өлімге қызып қалайша жер басып жүрермін!

— Тоқтат!— деп ашу шақырған Ұлтан құл Қарлығашты бір ұрып мұрттай ұшырды.

Осы кезде көкпардың құнаның сүйретіп Жәдігер де келе қалмасы бар ма. Ақылынан ашуы бұрын жүретін Ұлтан құл Жәдігерді де бір салып қалды. Сол-ақ екен, әбден күйініп келе жатқан Жәдігер Ұлтанды сарт еткізіп жағадан алып сыйымдай жөнелді. Мұны көрген Қарлығаш шыр-пыр болып арашаға жүгірді. Жәдігердің тегеуріні Ұлтанның шымбайына батыңқырап кетсе керек, арашаға тез көніп, жылыстай жөнелді.

— Қарағым, Жәдігер-ау!—деді осы кезде Қарлығаш,— көкпардың етін бозбалаға асып беріп, сауық-сайран құратын күн бе еді? Бұл неғылзан еркелігің, шырағым!

— Апажан, жылама,— деп, Жәдігер үлкен адамдай сабырмен тіл қатты,— қайбір еркелік дейсің, уайымның уын жұтып қажып жүрген соң, кішкене көңілдерің бөлінсін деп едім...

Мұны естігенде, Қарлығаштың көңілі босап, онан сайын ағыл-тегіл жылап еді. Осы кезде бұлардың даусын естіп, Қарлығаштың анасы, Жәдігердің әжесі — Аңалық бәйбіше де келген. Бір-біріне сүйеніп, зар еңіреген қос құлышы Аналық бәйбішенің де көңілін босатып, әжімді жүзін жаспен жуды. Үш мұндыққа жылау таңсық өмес, әрі-бері шер тарқата егілі-еніреп алды да, басқа түскен тірліктерін қүйттеуге тарасты. Аналық, бәйбіше шемшек теруге кетті. Қарлығаш үйіне қайтты. Жәдігер болса, кісенін сылдыратып қозы соңынан ілеңті. Бұл кезде Құлтайдың есі шығып жүріп өшкімге хабар бермегенін естіген Алпамыс Байшұбарына мініп, сабыр-тағаты қалмай Жәдігерді көрмекке келе жатқан. Келе жатса, бір қырдың астында бытырай жайылған қозыларға ие бола алмай Жәдігер жүр.

Бейтаныс жолаушыны көріп, алдымен Жәдігер тіл қатады.

— Ей, диуана, жол болсын,— дейді ол,— іздегенің сауап болса, мына қозыларымды бір қайырып бере кет. Аяғымда кісен, басымда қайғы-зарым бар, егер уақытың болса, бір бал ашып бер.

Артында қалған жалғыз тұяғы дәл осындағы күйде болар деп Алпамыс еш ойламаған. Қазір де мына баланы Жәдігер болар деп қаперіне де ілмеп еді. Бірақ іштей: «Менің де жалғыз құлышым осындағы болып жүрген шығар»,—деп ойладап, атының басын бұра берген. Осы кезде Жәдігер тесіле қарап, тағы да тіл қатты.

— О, тәнірім!—деді ол таңдана тұрып,— ел ақтаған диуана ма десем, атың жарау, қабағың қатулы, ел үшін туған ер секілді ғой тұрпатың... Құдай көз жасымды иіп, әкем болмасаң неғылсын! Тұртұсінді көрмесем де, көргендерден сұрап біліп, елесіңе жұбанып жүруші едім. Сол елесім шын болғандай, әкежаным сен болмасаң неғылсын!..

Алпамыстың дәті қанша берік болса да, мына сөзді естігенде шыдап тұра алмады.

— Жәдігерім, жалғызымыт- деп, аттан сыпрыла түскен бетінде баласын құшағына қысты. Туғалы жетімдіктің қасіретін белшеден кешіп келе жатқан Жәдігерге қорған таудай әкесінің бар екенін дәл осы сәт білгізіп, тәбесін көкке жеткізгендей болды. Көрген қорлық, тартқан азабын көрген түстей сейілтіп жіберді.

Алпамыс сол жерде-ак Жәдігердің қол-аяғындағы кісенді бұрап ағытып, лақтырып жіберді. Сонан соң:

— Ал, балам, Жәдігер,— деді,— ел шетіне аман-есен жеттім ғой, енді қапа болма. Сен өзіршे осылай жүре тұр, мен есірік Ұлтан Құлдың жайын таптырып қайтайын.

Жәдігердің уыз беті албырап қан жүгіріп, жүзінде шаттық нұры ойнап қала берді.

АРМАНЫНА ЖЕТКЕН АЛПАМЫС

Гүлбаршын сұлуға үйленемін деген дәме Ұлтанды әбден есіртіп жіберген. Соңан соң да осынау неке қияр тойды мейлінше дүрліктіріп, өзінше бір ерекше сөн-салтанатпен өткізген болып жатыр еді.

Алпамыс батыр диуананың киімімен елеусіз ғана келгенде, тойдың нағыз қызу кезі екен. Төрде обадай болып Ұлтан отыр. Екі езуі екі құлағында, осы тірлігіне әбден риза сыңай байқалады.

Мұндай тойда диуананың артық-кем сөздер айтып, өлді құлдіруінің әбестігі жоқ. Сол дәстүрмен Ұлтанға жанасыңқырап келген Алпамыс та бір сарынды бастап жіберіп еді. Алдымен «өу» деп өлең бастағаннан-ақ Ұлтанға соқтықты. Мына өн дәулет Ұлтанның еншісі емес екенін, өкім болып өл-жүртты қан қақсатып жүргенін айтты. Онан соң дүниенің аумалы-төкпелі екенін, бақ дегеннің сынаптай тұрақсыздығын айта келіп, өнді осы дәулег, осы бақ кешікпей-ақ басынан көшеді деп бітірді.

Көпшілік қауым диуананың бүралқы сөзі деп ойлад, өздерінше мәз болып еді. Бірақ Ұлтан құл әлгі сөзден кәдуілгідей тіксініп, диуананы жақтырмаған шырай танытып отырды да, өлең айтылып болған кездे:

— Маған мына диуананың өлеңі жақпайды, түк бермеймін, аулақ қуып жіберіңдер! — деп әмір етті. Жалаңдалап тұрған жандайшаптар қандай, демде Алпамысты қақпалап, шеттетіп жіберді. Бұл жайды Алпамыстың әйелі Гүлбаршын сұлу да көріп отырған. Жай көріп қоймай, диуананың жүріс-тұрысынан, бітімінен, даусынан бір жақындық танып, Алпамысын елестетіп еді. Мұны өзінше бір жақсылықтың нышаны болар деп жорып, өзіне қызмет көрсететін Мафия деген сақау әйелді шақырып алған.

— Мафия,— деді Гүлбаршын елеусіз ғана сыйырлай сөйлеп,— сен анау диуанаға мына сөгіз тілләні бер де, бал аштырып келші.

Мафия сөзге келген жок. Тек былай шыққан соң: «Сегіж тіллә бейіп, диуананы несін еситетін, онан да жайтысын өжім алып, ейтеп базайға

байып, киім алып киейін, көңілім сүйген жігітпен ойнап-қулейін, диуананың өжуіне ши.ейін, тәйтеуін бейсем де аждық қылмаш», — дәп, төрт тіллөні ышқырына тықты да, қалғанын Алпамысқа әкеліп берді.

— Эй, Мафия,— деді сонда Алпамыс,— Гүлбаршындай ақылды ару диуанаға төрт тіллә бermесе керек еді ғой. Диуананың сегіз пірі бар екенін, оның әрқайсысына арнайы садақа бермесе, ашқан балдың ақ сөйлемейтінін сен білмесөң де, Гүлбаршын білуге тиіс. Неге алдайсың, сақау қар, аруағымды шақырып, қол-аяғыңды буып тастайын ба осы!.. Мұны естігенде, Мафияның көзі шарасынан шығып, зәресі ұшты. Аяқ астында абдырап, онсыз да сақау тілі күрмеліп, ышқырындағы қалған төрт тіллөні да Алпамыстың қолына ұстата берді.

Бұл кезде Ұлтан тағы да бір жұрт алдында дараланып қалғысы келген ниетпен, тойды өзінше қыздыра түспек болып еді.

— Уа, халайық,— деді ол барқырай дауыстап,— мергендер шықсын он жаққа. Казір дарақ басына жамбы ілінеді, кімде-кім атып түсірсе, бәйгесіне түйеші Байберінің қызы Қарлығашты беремін.

Ұлтанның жарлығынан кейін бір топ жігіт құнжындастырап дарақ орнатуға жұмылып кетті. Дарақ орнатылып, жамбы ілінгенше, той басқарушылар көптің ішінен өлеңшілерді сүзіп, айтыс ұйымдастыруды ниет етіп еді. Тойдың бұл сәті де Ұлтанның көңіліне майдай жағып: «Тілдері жеткен менің бек болғанымды өлеңге қоссын», — дәп желпініп қойды.

Жоқты бар дәп айтып, кімнің жұртқа құлқі болғысы келсін, Ұлтанды мадақтайтын ақын көп ішінен суырылып шыға қоймады. Осы кезде Ұлтанның Бадамша деген сақау қатыны бір жағынан намыс буып, екінші жағынан дарақылығы жеңіп, ортаға жұлқына шықпасы бар ма! Оған бағанағы Мафия сақау қосылды. Екі сақаудың тілі шолтандалап, сыйыла жөнелгенде, қыжырта құлмеген тірі жан қалмады. Оны елеп жатқан Бадамша мен Мафия бар ма, Ұлтанды жер-көкке сыйғызбай мақтасын-ай келіп. Олардың айтуынша, әділ де Ұлтан, айбарлы да Ұлтан, ақылды да, дәулетті де, сәулетті де Ұлтан.

Мұны естіп тұрған Алпамыс шыдамай кетті білем, жақындалап келіп, Бадамшаны айтысқа шақырды. Ұлтан құлды арқа тұтып, бұлғандап

отырған Бадамша тартынсын ба, «келсөң кел» дегендей шап ете қалды.
Айтыс басталды да кетті. Сондағы Бадамша мен Алпамыс арасындағы
айтыс былайша болып еді.

Б а д а м ш а :

«Айшық мүйіз ақ сейке
Қойды баштай, жай-жай,
Бейі қыпша жігіттей
Тойды баштай, жай-жай,
Бізді мақтап өйен айт,
Бек бойдың деп, диуана,
Кеулі кейсе Бадамша
Тәңгे таштай, жай-жай!»

А л п а м ы с :

«Бісмилле деп өлеңді
Кеп айтамын, жар-жар,
Асықпасаң тойында
Кеп айтамын, жар-жар!
Мәні-жайын қандайын
Білгенім жоқ, жар-жар,
Ел қыдырған диуана
Нені айтайын, жар-жар?»

Б а д а м ш а :

«Бісмәйдә деп өйенди
Кеп айтыңыз, жай-жай.
Тоқай бойған Күйбайшын
Бімеймішін, шикін-ау,
Құтты болшын тоқайың,
Деп айтыңыз, жай-жай!»

А л п а м ы с :

«Бісмиллә деп тойына

Келе алмаймын, жар-жар,
Байың тегін берсө де
Сені алмаймын, жар-жар.
Әлі де болса сен күңсін,
Ол Гұлбаршын — бәйбіше,
Сен бәйбіше болады
Дей алмаймын, жар-жар».

Б а д а м ш а :

«Бижияма, шикін-ау,
Бижияма, жай-жай,
Миың кетіп башыңнан ?
Қайжияма, жай-жай.
Үйтан бегім тәбенді
Ойып қояд, жай-жай.
Бет алдыңа бижияп
Сандияма, жай-жай».

А л п а м ы с :

«Сен де шаптың бәйгеге,
Менде шаптым, жар-жар,
Ашуланып бетімнен
Иттей қаптың, жар-жар,
Өлгөніңшө мақтайсың
Ұлтан құлды, сақау қар,
Ұлтан құлдан сен қанша
Опа таптың, жар-жар?!»

Б ад амш а :

«Шөн де шаптың бәйгеге,
Мен де шаптым, жай-жай,
Кейішпедің, бетіңнен
Иттей қаптым, жай-жай.

Мен мақтамай, кім мақтайд
Ұйтанымды, жай-жай
Заманымда дидадан
Шашбау тақтым, жай-жай».

Ал памыс:

«Өлең айтып алдыңнан
Есейін мен, жар-жар,
Бұл Байсынды жағалай
Көшейін мен, жар-жар.
Заманьшда тағыпсың
Тіллә шашбау, жар-жар,
Осы тіллә шашбауды
Қесейін мен, жар-жар».

Бада м ш а:

«Әйен айтып айдымнан
Жейдей өшші, жай-жай.
Бүй Байшында жағадай
Ейдей көші, жай-жай.
Шашбау түгіл дамбайым
Бауы жібек, диуана,
Неғылады тішіңмөн,
Тіштеп шөшші, жай-жай».

Ал памыс:

«Жүруші едің, Бадамша,
Отым жағып, жар-жар!
Жүруші.еді
Ұлтан құл
Малым бағып, жар-жар.
Қалай-қалай сөйлейсің,
Ей, сақау қар, жар-жар

Өлтірейін астыңа
Қазық қағып, жар-жар».

Алпамыс соңғы жауапты айтқанда, түсін сұтып, даусы қаһарлана шығып өді. Айтысып отырған Бадамша сол сәт өлденеден сезіктенгендей, жел соққан жапырақтай қалтырап кетті. Іле етек-женін қағынып, орнынан тұрып: «Құйысын өйеңі, бұз кім өжі... айтышпаймын!»— деп, жылыстаған қалпы қарасын өшірді.

Бұл кезде дарақ құрылып, жамбы ілініп, тойшылар енді осы қызықты тамашалауға ойысқан. Бәйгеге Қарлығаш тігілген соң, ел ішінің небір саңылақ жігіттері де бақ сынап көруге қамданған.

Осынау абыр-сабыр сәтті пайдаланған Алпамыс өзінің өйелі Гүлбаршын сұлу отырған отаудың тұсына елеусіз ғана жақындалп келген. Ұлтанның өумесер күзетшілері де қазір жамбыны қызықтап, іштей: «Шіркін-ай осыған менің оғым тиіп, Қарлығашты еншілесем-ay!»— деген есек дәмемен жүргенде, күзетті жайына қалдырған. Оның үстіне Алпамыстың диуана кейпі едеусіз де өді. Гүлбаршын сұлудың көнілінде мұн, көзінде жас болғанымен, бағанадан бері осы диуанадан көз жазбай отырған. Енді, міне, диуана кейпіндегі Алпамыс үй сыртында тұрып, жаңағы жар-жардың өуенімен тіл қатқанда, Гүлбаршынның ет жүрегі торға түскен торғайдай тыптырлап қоя берді.

— Байсынның жерін, Қоңыраттың елін көргенім осы өді,— деді Алпамыс,— жолым жақсы екен, той үстіне тап болдым. Той иесі өзің болған соң, екі-үш ауыз өлеңмен келіннің .көнілін көтеруді жөн көрдім.

— Ей, диуана-ай!—деп Гүлбаршын күрсіне жауап қайырды.— Сен не білесің, құдайдан тілегенім бұл өмес өді ғой. Жеті жыл санаменен сарғайған мәндей бейбаққа осы тойдың орнына өлімін жібергенін қалап едім.

— Қой, келін шырақ!—деп, диуана болып тұрған Алпамыс осы кезде қасақана шошына тіл қатып өді,— мұның қалай, аузыңды ашқаннан өлімді айтқаның. Әлде Ұлтанды кегің бар ма өді?

Мұнан әріге Гүлбаршынның шыдамы жетпеген. «Е тәнірім, көз жасымды көрдің бе... Мына опасыз жалғанмен бүгін қоштасармын деп

отырғанда, арымның арашасы болып жеткен Алпамырым емес пе!..» — дед, өніреген қалпы отаудан шықты. Алпамыс та шыдап тұра алмай, жүзін көрсетіп, құшағын ашып, Гүлбаршынды бауырына қысқан қалпы тұрып қалды. Бұлар бірімен-бірі іштей көрісіп, неше жылғы қайғы-қасірет көпірі лақ етіп ақтарылғандай, сол қасірет көпірін бір-біріне үнсіз жеткізгендей күйде тұрғанда, бір зарлы дауыс естіліп еді. Алпамыс та, Гүлбаршын да өлең етіп, құшақтарын жазып, құлақ түрісіп тұрып қалды. Саулы інгендей аңыраған шерлі үн естіген жанның сай-сүйегін сырқыратып, бірте-бірте жақындалап келеді.

Алпамыс пен Гүлбаршын шыдай алмай қараса, арқасында бір бума шөпшек, шүйкедей болып Картайған Аналық бәйбіше. Соңғы кезде басқа шаруадан қалған соң, Ұлтан құл үйінә тамызықтық шөпшек тергізіп қойған. Соңғы жеті жылдан бөрі Аналық бәйбішенің көзінен жас кетпегенін Гүлбаршын жақсы білетін. Алайда, бүгінгі зары тіптен өзгеше еді. Мұның себебін Гүлбаршын өзінен көріп қапа болды. Аяулы енесінің көз алдында болып жатқан мына тойдың азабы қандай ауыр екенін іштей үғып, егіліп тұр.

Алайда, Аналық бәйбішенің бүгін айрықша зарлануының басқа себебі бар еді. Осыдан үш күн бұрын тұс көрген. Тұсінде жібек баулы ақ сұңқарды қолына қондырып жүр екен... Осыдан кейін-ақ жүргегі алып-ұшып, Айпамысын асыға күтіп, бөлек бір күйге түскен. Енді, міне, бүгін таң атқалы иіні тартып, ерні қышып, суалып кеткен қос анары дертіп шыдаттай қойды. Қазіргі сөтте Аналық бәйбішенің зарға қосып келе жатқаны да осы гәп Бұл зарға құлақ түрген Алпамыс анасын бірден таныды. Таныды да, дүниенің бөрін ұмытып нәрестедей елбіреп, құшағын жая ұмтылды. Бар айтқаны: «Апа!» — деген жалғыз ауыз сөз.

Алпамыстың: «Апа!» — деуі мұн екен, соңғы жылдары тас керең болып біткен Аналық бәйбішенің құлағы шайдай ашылып қоя берді. Аспан асты: «Апа!» — дед жаңғырығып кетті. Осылайша ана мен бала қайғы-қасіретті, құлық-сұмдықты, азап-ауыртпалықты жеңіп, дүние дидарындағы ең аяулы сезімге кезек берді... Мұнан әрі Алпамыс уақыт алмады. Ұлтанды енді алшандатудың еш қисыны жоқ еді. Соңан соң да

ширақ қымылдай жүріп Байшұбарын мініп, жамбы атып жатқан топтың, жанына келген. Осы кезде Ұлтан дарақы дауыспен:

— Кезекті диуанаға беріңдер! Енді диуананың өуселесін көрейік! — дед еді.

Алпамыс бөгелгөн жоқ, садақты шірене тартып, жамбыны сыйғыр еткізіп атып түсірді.

Мұны көрген Ұлтан мына диуананың тегін емес екенін енді ғана сезіп, жай сезіп қана қоймай, Алпамыстың дәл өзі екенін жазбай танып, жанын қоярға жер таппаған еді. Шуылдаған жүртта да шаруасы жоқ, енді қарақан басын сауғалап, жылыстай бергені сол еді:

— Уай, Ұлтан, тоқта! — деді Алпамыс, — Ұлтан, тоқта.

Бұл жалғаннан көрген қызығың бір басыңнан асып кетті білем, енді сол басқа жер жастандыратын кез келді!

Бақырауық атандай баж еткен Ұлтан енді найзамен шаншуға оқталған Алпамысты: «Көке!» — деген дауыс кідіртті. Жалт қараса, өзінің ұлы Жәдігер.

— Көке, осы кезегінізді маған қыныңызшы! Үйреніскең жауым ғой, өнерімді бір көрсетейін, — деді. Алпамыс сөзге келген жоқ, шегініп кетті. Жәдігер болса, тышқан алған мысықтай Ұлтанды найзаның ұшымен қақпалап жүріп, тірсегінен тілді де, ағаш бұтағына іле салды...

Киянатпен қабырғасы қаланған бақтың ғұмыры қысқа деген осы екен, Ұлтанның зібірі осымен тынды. Тойға жиналған жүрт та Алпамысты танып, бірі қуанып, бірі ұялып, бірі қорқып-пысып жатты.

Біреулер бір-бірінен сүйінші сұрап, бірін-бірі қуантуда болды. Сүйінші сұраушылар Қарлығашқа да жетті. Бір туғаннның жөні бөлек емес пе, сүйіншіге бір түйе, бір ат жетектетіп жіберді. Іле өзі де құстай ұшып жетіп, ағасы Алпамыспен құшақтасып көрісіп еді. Қөрісе тұрып Қарлығаш: «Арыстан көкем, келдің бе?.. Азып-тозған, елінді, қайғылы болған жүртіңды, жалғыз балаң Жәдігерді көрдің бе?.. Өлімге бас байлап кетіп едің, қанатың өртке шалынбай есөн-сау жеттің бе?..

Құлағым талай шулап еді, жау ішінде жүргенде, «қалқам Қарлығаш» дедің бе?» — дегендеге, мұны естіген жаннның сай-сүйегі босап, көзіне жас алмағаны қалмады...

Жиделібайсын жеріндегі енді көзден тамған жастың бәрі қуаныш жасы еди.

Нағыз той Жиделібайсын жерінде Алпамыс келген соң басталды. Алдымен Алпамыс батыр тоз-тоз болып, иесіз қалған ел-жүртynың басын қосты. Тентектерін тезге салып түзетті. Үлкенди құрметтеп, кішіге қамқор болатын-тәртіп орнатты. Ол тәртібі ұрпақтан-ұрпаққа ауысар ғажайып дәстүр болып қалыптасты.

Ал атасы мен анасын боз биенің сүтіне шомылдырып, үлдө мен бүлдеге орап, неше жылғы шеккен азабын көрген түстей етті. Байбөрі қайтадан таққа отырып, ел-жүртynың қамын ойлар қария болды. Алпамыс батыр алыста қалған аяулы серігі Қаракөзайымды да, тәуекелшіл дарқан ер Кейқуатты да ұмытқан жоқ. Жыл сайын екі рет ат ізін салып, адамға лайық асыл сезімге, аяулы ықыласқа бөленіп қайтып жүрді. Мұнан өрі Алпамыс батырдың жағы жамандық көрмегенін, ұзак өмір сүріп, бақытты ғұмыр кешкенін ұрпақтары жақсы біледі.